


DS
735
A2Y86
1771a
V.55



御批歷代通鑑輯覽卷之一百九

明

世宗皇帝

乙未嘉靖十四年春正月罷督理倉場中官。

初孫交爲戶部尙書以監督倉場中官爲數太多。初止數人。

正德中增至五十五人。請盡去之并臨清淮徐諸倉一切勿遣帝

罷撤其半餘仍如故至是監督中官王奉李慎互以奸

賊訐奏下法司按問給事中管懷理。山東臨邑人。因言倉場

錢穀皆戶部事今叅用內官惟肆貪饕于國計無補請

悉撤回從之。先是帝既盡撤天下鎮守中官至是復罷倉場監督其後又裁革京營提督監鎗太

監于是諸閹斂跡終帝之世四十餘年不敢爲惡。

莊肅皇后夏氏崩。

禮臣上喪儀。帝曰。嫂叔無服。且兩宮在上。朕當服青。臣民如母后服。夏言奏。羣臣不敢以素服見上。請暫罷朝。參許之。已而議諡。張孚敬曰。大行皇后。上嫂也。與累朝元后異。宜用二字。或四字。言與李時等。以莊肅配武宗。請遵累朝舊制。帝不悅。因用六字。曰孝靜莊惠安肅毅皇后。已悟孚敬言非是。改諡孝靜莊惠安肅溫誠順天偕聖毅皇后。

二月。作九廟。

祖宗各爲專廟。太祖廟居中。左爲三昭廟。與文祖世室。

祀太宗。百世不遷。

而四。右爲三穆廟。廟各有殿。殿有寢。

以藏主。皆

南向。世室殿寢。視昭穆廟加崇廣焉。

帝語閣臣曰。文祖廟爲世室。則世廟

字當避。張孚敬言。世廟著明倫大典。頒詔四方。不可改。文世室宜稱太宗廟。從之。

二月葬孝靜皇后。

遼東軍亂。囚巡撫都御史呂經。

字道夫。陝西寧州人。

經以苛虐失衆心。爲亂軍所執。

故事。每軍一。佐以餘丁三。每馬一。給以牧地五。

十畝。經至。損餘丁之二。編入均徭冊。盡收牧地還官。又役軍築邊牆。督趨過當。諸軍詣經乞罷。經榜笞訴者。卒遂亂。毀府門。火均徭冊。經竄別室。帝聞。召經回。行至廣中。搜得之。裂其冠裳。幽之都司署。

寧。悍卒于蠻兒等復辱之。巡按御史曾銑

字子重。江都人。上言。

往者甘肅大同軍變。處之過輕。羣小謂罪不過此。遂猖爲故常。今宜誅首惡。以懲其後。乃捕斬數十人。懸首邊城。全遼大定。擢銑大理寺丞。經謫戍。

夏四月。張孚敬罷。

御批歷代通鑑輯覽 卷之一百九
二
李敬有疾。帝與李時言。頗及其執拗。且不惜人材。以叢怨。李敬聞之。念前此三黜。皆爲帝所薄。遂屢疏乞骸骨。許之。明年。復遣官視疾。趨入朝。行至金華。疾大作。乃歸。召費宏復入閣。

帝追念宏。遣行人卽家起之。比還朝。眷遇益厚。常偕李時召入無逸殿。與周覽殿廬。從容笑語。移時始出。自是數有客問。宏亦竭誠無隱。承張桂操切之後。易以寬和。朝士皆慕樂之。

秋九月。詔九卿會推巡撫官。

帝懲遼東之變。欲慎簡撫臣。費宏請會九卿推舉。如京堂官例從之。

冬十月。華蓋殿大學士費宏卒。諡文憲。

帝深嗟悼。賻賻有加。贈太保。宏恭慎謙抑。明習國家故事。持重得大體。三入政府。

中遭讒構。迄以功名終。

丙申十五年春正月。以劉天和字養和。麻城人。為兵部侍郎。總制三

邊。

先是。濟農居套中。西抵賀蘭山。限以黃河。不得渡。用牛

皮為渾脫。

即革囊。騎以濟河。俗謂之皮渾屯。與渾脫音相近。故史傳借用之。

渡入山後。

諳達亦自豐州

注見前。

入套。相率為邊患。總制唐龍

字虞佐。蘭

谿人。用總兵官王效

延綏人。

梁震

新野人。

數敗敵。

十二年冬。虜犯鎮遠關。故

震感之。河。虜殺溺死者甚眾。明年。又犯黃甫川。震擊走之。既而復犯花馬池。不得入。引去。震追敗之。乾溝。鎮遠關。在寧夏府寶豐縣西南。黃甫川。在葭州府谷縣東北。有城。乾溝。亦曰蘆溝。在鞏昌府靖遠縣東北。寧夏。固

平原彼此伎倆相等者耳
後世地利不同用之即難
取效房琯陳濤之敗已事
可徵至宋而李綱宗澤間
一議行卒未收其實用况
復輪八挽運用鈍遲欲以
此挫銳衝堅殆如兒戲劉
子初特為變通良法輒用
以練習邊兵不知一車之
上而弩戟牌盾錯置雜陳
勢必艱重難勝所謂適用
者安在况邊隅攻戰全在
精騎摧鋒豈可轉以運車
碍其馳騁書生迂拙之見
真不值一哂耳

原邊接界處。然蹂躪迄無寧歲。及是。天和赴鎮。龍召為刑修

戰具。飭邊備。築增城堡。時兵車皆雙輪。用二十人。遇險即困。又行遲。不適于用。天和倣

前總督秦紘。隻輪車。上置礮槍弩戟。前樹狻猊牌。左右

虎盾。連二車。蔽三十四人。一人挽之。推且翼者各二人。

戰則護騎士其中。敵遠。施火器。稍近。發弓弩。又近。乃出短兵。敵敗。則騎兵追。以練諸邊將。濟農以十

萬眾。將大舉入犯。天和策寇闕西有備。必東。密檄延綏

副將白爵宵行。與參將吳瑛合。寇果東至黑河墩。黑河。即古

黑水。在榆林府北。晉書載記。赫連遇伏。大創而去。爵等

勃勃于黑水之南營都城。即此。尾擊之。寇連敗多死。其分犯寧夏者。亦為王效所破。捷

聞。進天和左都御史。二月。帝奉章聖皇太后。詣天壽山謁陵。

帝至沙河。見居民蕭條。顧謂大學士李時曰。七陵在此。

宜加守護。時對曰。昔邱濬建議。京師當設四輔。以臨潯
爲南。昌平爲北。薊州。保定爲東西。各屯兵一二萬。今若
于昌平增一總兵。可南衛京師。北護陵寢。帝乃下廷臣
勘議。于沙河築鞏華城。在昌平州東南。今有同知及都司駐此。爲置戍焉。
夏五月。毀禁中佛殿。

禁中大善佛殿。元時所造。藏金銀諸佛像及器物。至是。
悉命燬之。凡一百九十六座。其重萬三千餘斤。以其地
建太后宮。

冬十二月。以道士邵元節爲禮部尚書。

元節自嘉靖三年召入京。大加寵信。封真人。班二品。贈其
父母官其至是。以皇儲生。嘉其禱祀功。拜尚書。
孫及曾孫。

閏月。以禮部尚書夏言兼武英殿大學士。預機務。

言入閣。李時雖爲首輔。政多自言出。時亦每推讓焉。

丁酉十六年春二月。詔右都御史毛伯溫字汝厲吉水人討安南。

初。安南社堂燒香官陳暲。

安南前後有兩陳暲。德時黎利僞奉以降。一卽此。

詭稱前王陳氏後。殺國王黎暲而自立。

自黎利後。九傳而至暲。多行不

義。遂及于難。

暲臣莫登庸初附暲。後與黎氏大臣阮宏裕等。

起兵討暲。

暲奔諒山。兵敗走死。

立暲兄子諲爲王。登庸握兵柄。潛

蓄異志。黎氏舊臣鄭綏以諲徒擁虛位。別立其族子西

榜。登庸破綏。捕殺西榜。益恃功驕恣。旋逐諲。諲奔清華。

登庸立其庶弟慮。已復殺慮。篡其位。不通朝貢者二十

餘年。至是。諲子寧。

時諲已卒于清華。

遣使告難。乞興問罪師。夏

言等列登庸罪狀請大振宸斷剋期徂征詔起伯溫于

家

伯溫先為大理丞坐李福達獄奪職尋起用都御史以憂回籍

命叅軍務以都督僉

事江桓牛桓督軍討之兵部侍郎潘珍

字玉卿婺源人

言安南

不足置郡縣其叛服無與中國用兵非計廣東巡按御

史余光

江寧人

亦言莫之篡黎猶黎之篡陳不足深較但

當罪其不庭責以稱臣修貢不必遠征以疲中國帝怒

褫珍職奪光俸已而伯溫至京奏上方畧而帝意忽中

變命暫緩師會雲南巡撫汪文盛

字希周崇陽人

招納黎氏舊

臣得其進兵地圖并獲登庸間諜及所撰偽大誥

登庸篡位

時作大誥五十上之命仍遵前詔征討

明年春文盛復以登庸降表至

請宥罪許貢下廷議僉言不可許乃趣伯溫啓行制甫下兩廣總督侍郎張經以用兵方畧上具言須兵三十

萬餉百六十萬石。欽州知州林希元則極言登庸易取狀。請即日出師。兵部尚書張瓚不收決。復請廷議。議上。無成策。帝不懌。讓瓚。師復止。初。帝以用兵事重。本無必討意。特欲威服之。故命下而罷者。再至十八年。登庸屢表乞降。帝亦欲因撫之。再下廷臣議。勦撫之宜。瓚及廷臣。請仍命伯溫南征。如登庸束手歸命。無異心。則待以不死。從之。張經。字廷美。侯官人。

夏五月。雷震謹身殿。

冬十一月。故昌國公張鶴齡下獄死。

奸人班期。于雲鶴告延齡兄弟挾左道咒詛。逮鶴齡下詔獄。太后衣敝襦。席藁為請。不得。鶴齡瘐死獄中。

戊十七年。夏六月。詔議明堂大饗禮。下戶部侍郎唐胄。字侯。山陰人。平。

初。獻皇帝廟止修時祀。于是。揚州府同知豐坊。字存禮。熙。

之請建明堂尊獻皇帝廟號爲宗以配上帝下禮部集

議尚書嚴嵩

字惟中分宜人

言傳稱萬物成形于秋故秋祀明

堂以父配主親親也至宋儒論則主祖宗之功德今以功德則宜配文皇以親則宜配獻皇且未有稱宗而不祔太廟者帝示夏言言不敢議帝曰皇考稱宗豈爲過情嵩于是曲順帝旨以爲嚴父配天允合周道唐胄爭之曰三代之禮莫備于周郊祀后稷以配天宗祀文王于明堂以配帝至周成王之世未聞以嚴父配天之祭移于武王也臣謂明堂宜奉太宗配若獻皇帝得聖人爲子不待稱宗議配而專廟之享百世不遷矣疏入帝大怒下詔獄黜爲民

坊性狂誕熙旣卒家居貧乏思效張桂等以片言取通顯待命久之

無所進擢。歸家悵悵以死。人咸惡其畔父云。

秋八月。以禮部尚書顧鼎臣兼文淵閣大學士。預機務。時夏言當國。鼎臣入。恃先達。且年長。頗欲有所可否。言不悅。鼎臣遂不敢與爭。

九月。尊獻皇帝廟號曰睿宗。祔于太廟。

先是。帝命議稱宗祔廟之禮。集文武大臣于東閣。嚴嵩與羣臣議沮之。帝大不悅。者明堂或問難。嵩惶恐。盡改前說。條畫禮儀甚備。且言古者父子異昭穆。兄弟同世次。故殷有四君。一世而同廟。宋太祖太宗同居昭位。前事可據。今皇考與孝宗當同一廟。奏上。羣臣無敢異議。至是。帝諭禮臣曰。獻皇帝躬備大德。延及朕躬。宜薦

宗稱。乃改太宗廟號爲成祖。尊獻皇帝廟號爲睿宗。遂奉睿宗主祔太廟。復配享上帝于元極寶殿。

冬十一月。上皇天上帝大號。

帝以獻皇帝旣稱宗配帝。乃躬詣南郊。上皇天上帝大號。恭進冊表。禮成。還詣太廟。加上高皇帝高皇后尊號。是日。皇后助行亞獻禮。文武官命婦陪祀。嚴嵩奏慶雲見。請受羣臣

朝賀。又爲慶雲賦。及大禮告成。頌上之。帝悅。命付史館。

十二月。章聖皇太后蔣氏崩。諡慈孝皇后。

先是。帝營壽陵于大峪山。在昌平府西北。及是。太后崩。將奉獻

皇帝改葬焉。命駙馬都尉崔元。尚書張瓚等。爲奉迎禮儀使。已。帝親詣大峪相視。復令議奉太后南詣合葬。嚴

嵩等言。靈駕北來。慈宮南詣。共一舉耳。如初議便。帝意終未決。因止元等母行。而令指揮趙俊南往。啟視幽宮。于是親幸承天之議起。

李時卒。

諡文康。

時在閣。帝待之不如張孚敬。夏言。然頗少責辱。恩禮亦始終不替。及是卒。贈太傅。

己亥

十八年春二月。立子載壑。

帝弟二子。

為皇太子。封載垕。

帝弟三子。

即穆宗。

為裕王。載圳。

帝弟四子。

為景王。

後之藩安陸。

起翟鑾為兵部尚書。行邊。

先是。鑾以憂歸。服闋。久不召。夏言。顧鼎臣。居政府。鑾與謀召已。及是。帝將南巡。欲謁顯陵。慮塞上有警。議遣重臣巡

翟鑾始藉中官延譽。驟得輔政。繼謀復召交結閣臣。其非端人明矣。夏言自命仇直。何亦瞻徇私情。共相援引。可見當時朋黨之局。

年不可破言尚不免鼎臣
屈庸之輩夫復何尤

視言等因薦鑾改兵部尚書節制諸邊

以曾子裔孫質粹

字好古吉安永豐人曾子五十九世孫

為世襲五經博士

張孚敬卒

孚敬卒于家帝至承天始聞之傷悼不已贈太師

字敬剛明

果敢持身特廉痛惡賊吏一時苞苴路絕而性狠復報復相尋不護善類欲力破人臣私黨而已先為黨魁大禮大獄叢詬沒世顧帝始終眷禮廷臣卒莫與二嘗稱少師羅山而不名其卒也禮官請諡帝取危身奉上之議特諡曰文忠

帝如承天謁顯陵夏四月還京師

趙倭自承天還言顯陵不吉帝欲親詣承天周閱卜兆

九卿大臣許讚言博等諫帝曰朕豈空行哉為吾母耳

乃命宣城伯衛鐔

華亭人

遂安伯陳鏐

巴人

及顧鼎

臣等輔太子居守。遂如承天。夏言嚴嵩等扈從。

行次衛輝。夜四

更行宮火。從官倉猝不知帝所在。錦衣衛指揮使陸炳。

負帝出。御乘輿。帝自是愛幸炳。

炳之先平湖人。後隸

錦衣籍。炳母。

帝乳媪也。三月。至承天。謁顯陵。命作新宮。曰待合葬。

也。越三日。享上帝于龍飛殿。奉睿宗配。秩于國社國稷。

徧羣祀。又三日。御龍飛殿受賀。

謁陵畢。嚴嵩請表賀。夏言請俟還京。帝報罷。意

大不懌。嵩知帝指固以請。帝乃曰。禮樂。

自天子出。可也。令表賀。帝自是不悅言。

詔赦天下。給復承天三年。免湖廣田賦五之二。畿內河南三之一。歸過。

慶都。

本漢望都縣。今仍舊屬保定府。

從臣請祀堯母墓。

在望都縣城內。

帝曰。帝堯父母異陵。可徵合葬。非古。既至京。復詣大峪審。

視。曰。大峪不如純德。

本松林山。在鍾祥縣東北。以顯陵所在。故改名。

卒定南祔。

之議。

彗星見。

五月夏言罷尋諭留之。

翊國公郭勛

勛以獻皇帝得幸。耐廟進封公。

言寵嚴嵩亦心妬言。

遂相與構之。會帝自承天還復幸大峪山。言進居守勅

稍遲。帝大怒責言怠慢不恭。命還前賜銀章。

言前賜銀章。文曰學

博才優得密封言事。

并累所降手勅。言惶懼謝罪。請免追銀章手

勅。爲子孫百世榮。詞甚哀。帝怒不已。疑言毀損。令禮部

追取。削言勲階。

言以祇薦皇天上帝冊表加少師。特進光祿大夫上柱國。明世人臣無有加上

柱國者。言所自擬也。

令致仕。言乃以手勅四百餘并銀章上之。居

數日。帝怒解。命止行。復諭入直。言疏謝。帝悅。諭令勵初

忠。秉公持正。免衆怨。言心知所云衆怨者。勛輩也。再疏

謝謂自處不敢後他人。一志孤立。為眾所忌。帝復不悅。詰責之。惶恐謝乃已。未幾。以所追銀章手勅還之。

復以梁材字大用。南京金吾衛人。為戶部尚書。

材初長戶部。力祛宿弊。以忤權貴。失帝眷。及尚書李廷相罷。帝念材廉。廷臣亦交薦。召復原官。材三掌國計。砥節守公。如一日。帝嘗曰。尚書得如材者十二人。無憂天下矣。

六月。雷震奉先殿。

詔廷臣自陳。都御史王廷相字子衡。儀封人。奏曰。人事修而後

天道順。大臣法而後小臣廉。今廉隅不飭。賄賂公行。臣職憲紀。宜先罷斥。意蓋斥嚴嵩張瓚輩也。帝但諭留而

已。

秋閏七月葬慈孝皇后于顯陵。

河南饑命戶部侍郎王杲

字景初汝上人賑之。

時河南災甚杲請急發帑詔齎臨清倉銀五萬兩以行。既至復請發十五萬兩全活不可勝計。

庚子十九年春正月翟鑾還京復入閣。

鑾之行邊也諸邊文武大吏俱櫜鞬郊迎惟恐不得當鑾意饋遺不貲既事竣歸裝千輅用遺貴近遂復以原

官入閣。

夏五月詔勲戚子弟入監肄業。

司業王同祖

字繩武崑山人

言世祿之家鮮克由禮失教故也。

請勅公侯伯子弟未仕者悉入成均。侯學有可觀奏請敘廕。不率者糾治。從之。尋命已任事者亦送監肄業。于是少年勲戚爭以入學爲榮矣。

秋八月殺太僕卿楊最。

字殿之射洪人。

時帝好神仙給事中顧存仁

字伯剛太倉人。高金

石州人。王納言

信陽人。皆以直諫得罪。會方士段朝用以所煉白金器百

餘因郭勛以進。云以盛飲食物。供齋醮。卽神仙可致也。

帝立召與語大悅。朝用言帝居深宮無與外人接則黃

金可成不死藥可得。帝益悅。卽諭廷臣令太子監國。朕

少假一二年。乃親政。舉朝愕不敢言。最抗疏諫曰。陛下

春秋方壯。乃聖諭及此。不過得一方士。欲服食求神仙。

段朝用以神仙服食之說
登聽希榮實踵五利文成
故智至勸其深居無接外
人則又呂用之所以欺高
駢者其情益不可測嘉靖
受其蠱惑遂欲少假靜持
不念天位繼承乃欲如方
士導引延年自比于深山

修煉之舉其愚已甚且太子無端監國尤駭聽聞而一二年脫屣朝綱更復成何景象其議雖旋罷而以此竟殺直臣不自知其過也實可嗤鄙耳

耳。夫神仙乃山棲澡鍊者所為。豈有高居紫闥。袞衣玉食。而能白日狎舉者。臣雖至愚。不敢奉詔。帝怒。立下詔。

獄。杖殺之。監國議亦罷。

明年朝用伏誅。隆慶初。贈最副都御史。諡忠節。

九月。劉天和敗濟農于黑水苑。

在固原州西。

斬其子錫沙王。

舊作

小十王。今改。

濟農連年入寇。邊將禦之。屢被殺傷。是年七月。寇萬全。

右衛。總兵官白爵逆戰。再敗之。至是。復入固原。剽掠且。

饜。會淫潦。弓矢盡膠。無鬪志。而諸將多畏縮。天和斬指。

揮二人。召故總兵官周尚文。

尚文優將材。負氣桀傲。所至與文吏競。文吏又往往

挫折之。以故彌不相得。巡撫賈啓劾尚文老悖。遂革任。

尚文字彥章。西安後衛人。

激令立功。尚

文盡銳奮擊之。黑水苑。斬濟農子錫沙王。寇遁走。寧夏。

巡撫楊守禮

字秉節。蒲州人。

總兵任傑等復邀擊于鐵柱泉。

在

州花馬池西南有泉百步。明時以寇入必飲馬于此。築堡守之。

敗之。進天和南京戶部

尚書以守禮總督軍務尚文復都督同知。

冬十月顧鼎臣卒。

諡文康。

鼎臣素柔媚其居政府謹事夏言不能有為及是卒贈

太保。

辛丑

二十年春二月下監察御史楊爵

字伯珍。富平人。

于獄。

時帝經年不視朝日事齋醮工作煩興歲頻旱元日微

雪夏言嚴嵩作頌稱賀爵撫膺大息上疏言今天下大

勢如人衰病已極腹心百體無不受患猶且奔競成風

賄賂公行遇災不憂非瑞稱賀邪佞日親諍臣日遠此

大憂也。因歷陳諸弊。其一。以郭助奸蠹。任用肆毒。其二。以工作不休。股民膏血。其三。以朝

御希簡。經筵曠廢。其四。以崇信方術。濫加保傳。其五。以阻抑言路。忠盡杜口。詞俱切直。帝震

怒。立下詔獄。撈掠血肉狼籍。死一夕復甦。獄卒以帝意

不測。屏其家人。不納飲食。屢瀕于死。處之泰然。主事周

天佐。字子弼。晉江人。御史浦鉉。字汝器。文登人。疏救。先後死獄中。自是

無敢言者。天佐與爵無生平交。入獄時。爵第隔屏相訊而已。比三日。天佐不勝楚。遂死。屍出獄。大興

民有祭而哭之。慟者。或問之。曰。吾哀其忠之至而死之。酷也。鉉方病。入獄。被杖百。復錮以鐵柙。爵迎哭之。鉉息

已絕。徐張目曰。此吾職也。子無然。後數日卒。隆慶初。天佐贈光祿卿。鉉贈光祿少卿。

夏四月。置安南都統使司。

毛伯溫等督師至廣西。傳檄諭莫登庸。能束身歸命。即

待以不死。登庸乃率從子文明及諸部目。入鎮南關。在廣

西太平府憑祥州西南左右石山高。上土地軍民籍請

奉正朔。永為藩臣。伯溫承制許之。納其圖籍。權令還國。

聽命。疏聞。帝大喜。詔收安南國為安南都統使司。授登

庸都統使。更十三道為十三宣撫司。各設同知。副使。僉

事。聽都統黜陟。三歲一貢以為常。併令覈黎寧真偽。如

果黎氏後。割所據四府。俾奉祀事。否則已之。伯溫受命

歲餘。不發一矢而安南定。由帝本不欲用兵故也。

九廟災。

五月。以兵部侍郎王以旂

字士招。江寧人。總理河漕。

時黃河南徙。決野鷄岡。

在歸德府睢州北。

由渦河經亳州入淮。

舊決口俱塞。徐呂二洪竭。漕舟膠。總河郭持平久治不

效。乃命以旂督理。以旂言。黃河遷徙不常。不能借以濟運。宜濬山東諸泉。入野鷄岡。新開河道。以濟徐呂。而築長堤沛縣以南。聚水如牖河制。從之。

秋八月。昭聖皇太后張氏崩。

諡孝康皇后。

夏言罷。九月。郭勛以罪下獄。冬十月。言復入閣。

言勛交惡日甚。九廟災。言方以疾在告。自陳乞罷。不允。昭聖太后崩。詔問太子服制。言報疏有譌字。帝切責言。言謝罪。且乞還家治疾。帝益怒。令致仕。及將出都。詣西苑齋宮叩首謝。帝憐之。俾還私第治疾。俟後命。時勛以言官重劾。給事中戚賢等劾勛擅作威福。網利虐民。亦引疾在告。京山侯崔元新有寵。直內苑。忌勛。帝從容問元。言勛皆朕股肱。相

郭勛縱恣妄行稔惡已久
言官豈無見聞何前此噤
無一語及揣知勛之上眷
潛移卽爾紛紛補牘陽博
不畏彊御之名而陰行揣
摹取巧之術明代諫垣雖
有實出伉直者而似此猥
鄙者正復不少

如何也。元不對。帝問言歸何時。曰：俟聖誕後，乃敢請。又問勛何疾。曰：勛無疾。言歸卽出耳。帝領之言，官知帝眷言惡勛，因共劾勛。勛辨語諄諄，先是帝給勛勅，與兵部役，勅具勛久不領，言官劾之。尚書王廷相等同清軍助疏辨，有何必更勞賜勅語。帝怒，責勛無人臣禮，給事中高時，浙江臨安人。因盡發勛貪縱不法十數事，遂下勛錦衣獄。復詔言入直，方言在告時，閣事多取裁決，及治勛獄，排根批牴，悉其指授，朝士方惡勛，不以咎言也。勛下獄後，帝念其曾贊大禮，諭鎮撫司勿加刑訊。奏上，當勛罪斬，帝以奏當不明，令法司覆勛。法司更當勛不軌罪，斬沒入妻孥田宅。奏上，留中不下。帝意本欲寬勛，屢示意指，而廷臣惡勛，繆爲不喻指者，更坐重辟。久之，勛竟死獄中。

十一月葬孝康皇后

寅二十一年夏六月諳達寇山西

先是諳達遣使款大同詔却之諳達與濟農遂分道入

犯及是復遣使求貢大同巡撫龍大有

茶陵州人

誘縛之詭

言用計擒獲詔磔于市敵怒入掠朔州

以下注俱見前

抵廣武

由太原南下沁汾復從忻崞而北屯祁縣叅將張世忠

等戰死敵遂從雁門故道而去未幾濟農死其子朗台

吉

舊作狼台吉今改後仿此

等散處河西勢分諳達獨盛歲數擾邊

秋七月己酉朔日食

夏言罷八月以禮部尚書嚴嵩兼武英殿大學士預機務

言再罷再相帝雖優禮然恩眷已不及初帝以奉道嘗

御香葉冠因刻沉香冠五賜言等言以非人臣法服

言經國不如冠準而疎
脫畧相似其援引嚴嵩亦
狃準之遇丁謂卒致為所
擠陷情事復同小人反噬
固不足道然謂之姦狡易
見嵩之柔和難窺且準僅
以拂鬚微詞成隙而言再
相後至以盛氣凌嵩嵩始
双隸無怪得响之更烈也

不奉詔帝怒甚嵩因召對冠之寵以輕紗帝見益內親

嵩而欲去言嵩因傾之嵩與言同鄉科第先言而位下

目代以門客畜之嵩恨甚嘗置酒邀言躬詣其第言辭

不見嵩布席展所具啟跪讀言謂嵩實下已不疑也言

既失帝意懼斥呼嵩與謀嵩已潛造陶仲文第謀齟齬

代其位言知甚愠諷言官劾嵩帝方憐之不聽也兩人

遂大郊嵩因燕見頓首雨泣愬言見凌狀帝使悉陳言

罪嵩遂振暴其短陶仲文方士初名典真黃岡人

會日食既帝手詔以為下慢上之咎落言職閑住言既

去醮祀青詞非嵩無當帝意者遂代言入閣嵩時年已

六十餘不異少壯朝夕直西苑板房未嘗一歸洗沐帝

謂其勤益信之嵩無他才畧惟一意媚上竊權罔利帝

因事激帝怒戕害人以成其私誅斥者不可勝計云

九月作雷壇錮工部員外郎劉魁

字煥吾泰和人于獄

金英謀逆一事嘉靖既宿曹妃宮則妃自不得辭不謹之愆若意謂其與婢同謀則無此情理蓋金英卽肆兇謀勢必慮人聞見彼走告者烏從遽知且其人亦必同係曹妃宮婢當此危懸呼吸救難刻遲乃不近自妃而遠自后其爲構

帝用陶仲文言。建雷壇于太液池西。所司希帝意。務宏倭。程工峻急。魁欲諫。度必得重禍。先命家人鬻棺以待。遂上章曰。頃營大享殿。大高元殿。工費以億萬計。土木衣文繡。匠作班朱紫。道流所居。擬于宮禁。國用已耗。民力已竭。而復爲此不經之事。非所以示天下後世。帝震怒。杖于廷。錮之詔獄。

冬十月。宮婢楊金英謀逆。伏誅。殺端妃曹氏。

帝宿曹妃宮。宮婢楊金英伺帝熟寢。以組縊帝項。未絕。有走告皇后者。后馳救得甦。后命內監張佐等捕宮人雜治。言王寧嬪實首謀。又言端妃亦與知。時帝病悸不能言。后傳旨收端妃。寧嬪及金英等。悉磔于市。久之。帝

陷顯然方后復乘嘉靖疾
悸之時輒收妃嬪與逆婢
駢誅滅口謂非后之妬害
其誰信之然其致此大變
則由嘉靖不德明祚將傾
彭亡徵先見耳

始知妃寃。

癸卯二十二年春正月丙午朔日食。

秋九月逮巡按山東御史葉經。字叔明。上虞人。杖殺之。

嚴嵩與經有宿憾。

經在禮部以秦晉二藩宗人襲封事受重賄經發之彌縫得免故恨經。

及是經按山東監鄉試試錄上嵩指發策語為誹謗激

帝怒下禮部參論尚書張璠

字崇象石首人等阿旨請逮考試

官周鏞提調布政使陳儒及經等并治嵩密言試事盡

由御史帝乃降旨斥文中語為狂悖經杖八十為民創

重卒鏞儒等謫官由嵩報復也。

嵩借事殺異已自經始。

先是嵩相

甫踰月御史謝瑜

字如卿上虞人

即劾之。比之四凶請急誅斥。

帝雖譙讓瑜然未深罪。嵩亦以初得政未敢顯為擠陷。

故瑜得居職如故。及經杖死。嵩益發舒。其後劾嵩者希。

得免矣。

瑜後以大計。嵩嚙主者黜之。遂除名。于是給事中王勰。沈良材。陳璫。御史喻時。陳紹。及山西巡撫童漢臣。福建巡按何維栢等。相繼得罪。皆並瑜劾嵩者也。

王勰字韜孟。金壇人。沈良材。泰州人。陳璫。餘姚人。喻時。光山人。陳紹。上虞人。童漢臣。錢塘人。何維栢。字喬仲。南海人。

冬十月。朶顏入寇。

攻圍慕田峪。

在昌平州北。有關口。

殺守備陳舜。副總兵王繼祖等。

往援。乃退。

甲辰二十三年秋八月。翟鑾罷。

嚴嵩入閣。鑾以資地居其上。嵩惡之。嗾言官劾其子蜚。

緣舉進士。遂斥為民。

鑾子汝儉。汝孝。與其師崔奇勛所親。焦清。同舉進士。嵩屬給事中王

交等。劾其有弊。帝怒。下吏部都察院。鑾疏辨。帝益怒曰。鑾被劾待勘。敢先瀆擾邪。二子縱有才。何至與其師並

進。勒鑾父子奇勛。清及分考官等皆爲民。

九月以吏部尚書許讚兼文淵閣大學士。禮部尚書張壁兼東閣大學士並預機務。

時大權一歸嚴嵩。讚不得預票擬。讚常嘆曰。何奪我吏部使我旁睨人。因屢乞休。

冬十月諸達入寇。

明史世宗本紀作小王子。翟鵬傳作諸達。今依鵬傳。

諸達自萬全右衛毀牆入掠蔚州直抵完縣京師戒嚴。

命逮總督宣大兵部尚書翟鵬。

字志南。撫寧衛人。

巡撫薊鎮都

御史朱方下獄。

鵬在朔州聞警夜半至馬邑。調兵食復趨渾源遣諸將遏敵言官劾其逗遛致

震畿輔遂遣官械鵬而以侍郎張漢代之方以建議撤諸路防秋兵致敵乘間入犯亦命逮繫鵬坐承戍方杖死。渾源五季唐縣元改州。

今州屬大同府長漢種祥人。

十一月。加方士陶仲文少師。

仲文由吏員需次京師。故與邵元節善。元節年老。宮中黑眚見。治不效。因薦仲文。以符水喫劍。絕宮中妖。被寵幸。尋授少保禮部尚書。未幾加少傅。至是大同獲間諜。

帝歸功上元。加仲文少師。仍兼傅保。後復以禱雨功封

恭城伯。

帝自二十年遭宮婢之變。移居西內。日求長生。郊廟不親。朝講盡廢。君臣不相接。獨陶仲文得

時見。見輒賜坐。稱之為師。而不名。于是小人顧可學。盛端明。朱隆禧輩。皆緣以進。可學無錫人。端明饒平人。

隆禧。崑山人。

乙巳二十四年夏五月壬戌朔日食。

六月。重建太廟成。

建殿九間。仍復舊制。同堂聚享。位皆南向。太祖居中。左四序。成宣憲

後為祧廟。以藏祧主。

秋八月。張壁卒。

諡文簡。

九月。召夏言復入閣。

帝微覺嚴嵩貪橫。復召用。言至。復盛氣陵嵩。出其上。凡所批答。畧不顧嵩。嵩噤不敢吐一語。所引用私人。言多斥之。亦不敢救。銜刺骨。而言以廢棄久。務張權。所譴逐亦不盡當。御史陳其學。以鹽法事劾崔元。及錦衣都督陸炳。言擬旨令陳狀。皆造言請死。炳行三千金求解。不得。長跪泣謝罪。乃已。二人與嵩比而構言。言不悟。

楚世子英耀弑其父顯格。伏誅。

英耀性淫惡。烝楚王宮人。又使卒劉金。納妓別館。王欲

陸炳等恃寵橫行。致為言官劾奏。夏言擬旨令其陳狀。乃朝廷公法。所存豈造請。不求可免。至炳公然行金求解。則尤藐視王章。言即當以其賄乞之情。露章舉發。顧因其長跪泣謝。竟

獲保全官雖力却包首而
徇私意以市恩廢法又豈
得謂之公正自持者耶

罪金金遂勸英耀謀逆會元夕後張燈置酒饗王別宴

武岡王顯槐顯榕弟于西室酒半金等從座後以銅爪擊

王腦立斃顯槐驚救被傷得免英耀徙王屍宮中以中

風報王從者挾門出告變撫按官以聞帝命駙馬都尉

鄔景和崑山人尚孝宗女永福公主等往鞫得實及是詔逮入京告

太廟磔于市焚尸揚灰逆黨悉伏誅

冬十一月許讚罷

讚求去帝責其忘君愛身落職閒住讚歸三年卒尋復其官追諡文簡

丙午二十五年春正月謫御史周冕資縣人為通海縣元置今屬雲南

臨安府典史

時太子生十一年尚未出閣講學冕極言豫教不可緩

帝怒。詢之。

三月。四川白草番。

注見前。

亂。遣何卿。

成都衛人。

充總兵官。討平之。

卿初鎮松潘十七年。威望素著。會以北警。召卿入衛。至。

是番人亂。復命卿往討。卿至。將士咸喜。乃會巡撫張時。

徹。

字惟靜。鄞人。

討擒賊渠。俘斬千計。克四十餘寨。毀其礮房。

獲馬牛器械無算。久之。賊盡平。

在明年四月。

于是松潘威茂。

間。行旅往來。無剽奪患。邊境安堵。

夏四月。以兵部侍郎曾銑總督陝西三邊軍務。

是秋。諳達以十萬騎。西入延安慶陽。銑率兵數千駐塞。

門。

砦名。在延安府安塞縣北。

而遣前參將李珍。

陝西人。坐事奪官。銑復加錄用。

擣巢。

于馬梁山。

在榆林府北。

後敵始退。

秋八月。天鼓鳴。

冬十月。故建昌侯張延齡棄市。

初延齡下獄後。奸人劉東山發其手書。有君道賞罰不明字。延齡復加訕上罪。長繫如故。至是竟斬西市。

丁未二十六年夏四月。諂達求貢。拒之。

自龍大有誘執虜使後。諂達連歲犯邊不已。及是奉印

信番文。詣邊陳款。總督侍郎翁萬達

字仁夫揭陽人

以聞。時萬

達方修築邊牆。因再疏言。自冬涉春。虜使屢至。其詞益

恭。似宜允許。況今版築方興。正當羈縻。使無侵擾。帝責

其罔瀆。不聽。萬達在邊。帝深倚任。所奏無不聽納。嘗議

撤山西內關

雁門寧武偏頭諸關

兵。併力守禦大同外邊。巡撫孫

繼魯字道甫雲南右衛人力陳不可帝納萬達言遂逮繼魯下獄

死繼魯先知淮安府以忤中官被逮夏言救免獨議諳

達貢事與帝意左再被責讓蓋是時曾銑建言復套夏

言主之故力紉貢議云銑素喜功名會寇居河套久為

鄙今將百年出套則寇宜大三關以震畿服入套則寇

延寧甘固以擾關中深山大川勢固在彼而不在我臣

枕戈汗馬切齒痛心竊嘗計之秋高馬肥弓勁矢利彼

聚而攻我散而守則彼勝冬深水枯馬無宿藁春寒陰

雨壤無燥土彼勢漸弱我乘其弊則中國勝臣請以銳

卒六萬益以山東鎗手二千每歲春夏交擄五十日餉

水陸並進直搗其巢材官騶發礮火雷擊如是三舉則

寇自不能支此一勞永逸之策也遂條入議以進帝壯

秋七月河決曹縣

水入城二尺漫金鄉魚臺定陶城武衝穀亭

鎮名在魚臺縣東明

敵騎近居河套資畜牧之利出入自如久為邊患曾銑首議復套自屬籌邊要著其所條列亦具中機宜銑膺寄疆場意在秣馬厲兵以恢復輿圖自任豈得咎其好大喜功當時廷臣心懷怯懦不肯一矢加遺論貢論封毫無主見轉以銑之銳志出師為非計當嘉靖意方尚銑尚爾紛起執持迫朝局中更遂以銑為敢費貪功沉寃西市君

君臣苟目畏難之習終于
不可挽回國勢何由克振
乎

時為漕運往來要地。隆慶後。運河東徙。鎮遂廢。河臣詹瀚請于趙皮寨。在開封府蘭陽

縣北一名張錄口。諸口穿支河以分水勢從之。

冬十一月。大內火。釋楊爵等于獄。

初。爵既下獄。工部員外郎劉魁給事中周怡

字順之。太平縣人。

並以言事同繫。

三人屢瀕死。講誦不輟。爵于獄中著周易辨說。中庸解。忘其困。

歷五年

不釋。久之。有神降于乩。帝感其言。立出三人。未踰月。尚

書熊浹疏言乩仙之妄。帝怒。命東廠追執爵等。

爵抵家甫十日。

校尉至。與共麥飯。畢。即就道。尉曰。盍處置家事。爵竟去。不顧。觀者泣下。

復同繫鎮撫獄。桎

梏加嚴。飲食屢絕。至是大高元殿災。帝禱于露臺。空中

若有所聞。遂傳詔釋之。

爵居家二年卒。隆慶初。贈光祿卿。諡忠介。

皇后方氏崩。

諡孝烈皇后。

戊申二十七年春正月夏言罷

言素慷慨以經濟自許。會曾銑議復河套。欲倚以成大功。因密薦銑。謂羣臣無如銑忠者。銑鳩兵繕塞。輒破敵。帝亦頗嚮之。令言擬旨優獎者再。銑喜。益銳志出師。條

上方畧。廷議一如銑言。帝忽中變。降旨詰責。詞甚厲。曰。

逐賊河套。師果有名否。兵食果有餘否。嚴嵩知帝意。遂

極言河套必不可復。廷臣亦盡反前議。如嵩說。嵩乃力

攻言。謂向擬旨褒銑。臣皆不與聞。言始大懼謝罪。且云。

嵩初未嘗異議。今胡乃盡委于臣。帝已入嵩譖。怒不可

解。盡奪言官階。令言致仕。

初言與嵩同直西苑。帝數使

視之。其詣嵩。嵩必延坐。親納金錢袖中。以故日譽嵩而短言。言進青詞。取具而已。往往失帝旨。嵩聞。愈精諂其

事。由是嵩益被寵。而言眷漸移。及套議起。嵩復從中陰詆之。以激帝怒。言遂收。

三月殺總督侍郎曾銑

兵部侍郎萬鏹

字平甫。濟陽人。

等劾銑罔上貪功。擅開邊釁。逮

下獄。出兵部尚書王以旂代之。先是。咸寧侯仇鸞

銑之子。

鎮甘肅。以貪縱為銑所劾。遂逮問。嚴嵩雅親鸞。至是代

鸞獄中草奏。誣夏言納銑金。

銑所善同邑蘇綱言。繼妻父也。方銑建議復套時。綱

亟稱之。言益信銑為可辦。因力主其議。及是。嵩代鸞。誣奏銑剋餉鉅萬。屬網賂言。交關為奸利。法司承

帝旨。坐銑交結近侍律。斬西市。妻子流二千里。並逮言

下吏。出鸞于獄。

銑有膽畧。長于用兵。性特廉。既歿。家無餘貲。隆慶初。贈尚書。諡襄愍。

夏五月。葬孝烈皇后于永陵。

在昌平州陽翠嶺。

詔曰。皇后比救朕危。奉天濟難。其以元后禮葬。預名葬

地曰永陵。

七月京師地震。

冬十月殺前華蓋殿大學士夏言。

嚴嵩與夏言已非一日。曾銳之獄。不過借銳以傾言。特言既悉。嵩奸險情形。則何不早為糾劾。直至羅織已成。始藉此欲圖挽救。乎蓋嵩居心陰賊。言久墮其術中。而不覺。非特仇讐之疏。由于嵩所詐為。即前此復套之議。中變亦安知非嵩先恣惡以陰售其奸。迨窺見意旨遂從而下石。乎至法司為言。援請寬釋。益觸嘉靖之怒。因及不戴。

言抵通州。聞銳所坐大驚墮車。曰。噫。吾死矣。上疏訟冤。言鸞方就逮。上降諭。不兩日。鸞何以知。蓋嚴嵩與崔元輩詐為鸞疏。以傾臣。嵩靜言庸違。似共工。謙恭下士。似王莽。奸巧弄權。父子專政。似司馬懿。臣生死係嵩掌握。惟聖慈曲賜保全。帝不省。獄成論死。法司援議貴議能條以上。帝怒。切責之。猶言及前不戴香冠事。會諸達寇居庸。嵩謂夏言等收河套。故報復至此。遂棄言市妻蘇氏流廣西。從子主事克承。從孫尚寶丞朝慶皆削籍。言豪

香冠事或疑嘉靖本意在殺言豈知不戴香冠亦由嵩以籠紗獻媚有意相形以釀成其罪小人傾險巨測乃至是哉

邁有俊才。縱橫辨博。人莫能屈。初被特錄。日與議禮諸貴人抗。及居政府。與嵩共事。嵩懷奸黷。言獨能裁抑之。以是天下多稱言者。然自大用後。日蹙傲。浸為帝所厭。裁決機務。頗專恣。物議亦不悉協。特因其為嵩誣陷以死。人方惡嵩。故于言益深惜之。隆慶初。復官。諡文愍。

己酉二十八年春二月。以張治字文邦。茶陵州人。為禮部尚書兼文淵閣大學士。李本餘姚人。為少詹事兼翰林院學士。入內閣。

並預機務。

夏言得罪死。嚴嵩遂獨相。至是治本以疎遠入閣。治自南京

吏部益不敢預可否。嘿嘿而已。

諂達寇宣府大同。總兵官周尚文擊敗之。

敵犯宣府滴水崖。

在宣化府赤城縣東南。石崖滴水。把隆冬不凍。崖之北有堡。為戍守處。

總江瀚指揮董賜戰死。全軍覆。遂犯永寧。明縣。永樂中置。今省。故城

在宣化府延慶州東有都司駐此

尚文力戰敗之斬其魁尚文清約愛

士善用間知敵中曲折故戰輒有功嚴嵩父子以宿憾

尚文初僉後府嵩子世蕃為府都事驕蹇不法將劾之嵩謝得免以故銜尚文刺骨謀傾陷之帝

方藉以抗彊敵故讒不得入未幾卒嵩格卹典不予給

事中沈束

字宗安會稽人

以為言嵩激帝怒錮之詔獄

京繫獄十八年

其妻張氏上書言臣夫家有老親年已八十有九哀病侵尋朝不計夕臣妾欲歸奉舅則夫之饘粥無資欲留養夫則舅又旦夕待盡輾轉思維進退無策臣願代夫繫獄令夫得送父終年仍還赴繫實惟陛下莫大之德法司亦為請帝終不許帝深嫉言官以廷杖遣戍未足遏其言乃長繫以困之而日令獄卒奏其語言食息謂之監帖或無所得雖諸語亦以聞一日鵲噪于東前束謾語曰豈有喜及罪人邪卒以奏帝忽心動釋束還家其父已前死矣隆慶初起故官不赴卒于家周尚文追贈太傅諡武襄

三月辛未朔日食

皇太子載堅卒。

秋七月倭寇浙東。

初倭雖通貢而瀕海州縣數被侵掠。倭自永樂末貢使不至宣德中命琉

球國王轉諭之使復至倭性黠時載方物戎器出沒海濱得聞則張戎器而肆攻掠不得則陳方物而稱朝貢

然利中國互市每貢所攜私物逾貢數十倍舊制于浙

江設市舶提舉司駐寧波海舶至則平其直制馭之權

在官及帝初年廢市舶不設。市舶司舊以中官主之會倭使宋素卿宗設數輩至

互爭真偽素卿本中國人逃入倭太監賴恩納其金右之宗設怒遂相鬪殺大肆焚掠而去事聞詔逮素卿及

恩并治遂撤市舶議者謂當罷者中官非市舶也然卒罷之濱海奸人遂闌出中國

財物與倭交易居寧波之雙嶼爲之主屢負倭直已而

嚴通番之禁。倭使互市往往留海濱不去內地諸奸多爲之囊橐巡按御史高節請嚴禁奸豪交

明代倭患中于東南蔓延
塗炭勞兵力者幾數十年
然其得盤踞海濱皆由內
地奸民潛行勾引朱統甫
泄浙閩即捕交通者以便
宣行戮深得平寇機宜乃
大姓因失利流言周亮陳
九德等復肆加詆劾朝廷
不察轉行按治致統仰藥
自裁措置之顛倒實甚設
此時不為掣肘俾得從容
展布盡絕根株又何致海
氛之益熾乎

通得旨

遂移之貴官勢家負直愈甚倭糧匱不得返大

怨恨奸民勾之遂煽為亂朝議設重臣巡撫浙江兼統

福建沿海諸府以都御史朱統

字子純長洲人

為之統至嚴為

申禁獲交通者不俟命輒以便宜斬之由是浙閩大姓

素為倭內主者失利而怨統又數騰疏于朝顯言大姓

通倭狀閩浙人咸惡之而閩尤甚巡按御史周亮閩人

也上疏詆統請改巡撫為巡視以殺其權其黨在朝者

左右之竟如其請御史陳九德復劾統擅殺

賊渠閩人黎光頭數

為倭主已復引佛郎機行劫

統擒而戮之遂為九德所劾遣官按問罷統職統仰藥

死自是海禁復弛亂益滋甚

時海上承平日久民不知兵聞倭至竄走一空終帝

之世迄無寧歲

九月。朶顏三衛犯遼東。

庚戌二十九年秋八月。諠達犯京師。

先是夏六月。諠達犯大同。總兵官張達。副總兵林椿戰死。敵引去。傳箭諸部大舉。至是。循潮河川南下。至古北

口。都御史王汝孝率薊鎮兵禦之。敵陽引滿內嚮。而別

遣精騎自間道潰牆入。汝孝兵潰。遂大掠懷柔。圍順義。

長驅至通州。營白河東。時巡按御史王忬奏言。潮河川有徑道。一日夜可達通州。因疾

馳至通。爲守禦計。盡撤舟楫之在東岸者。夜半寇果大至。阻白河。不得渡。王忬字應民。太倉人。分兵

剽昌平。犯諸陵。殺掠不可勝紀。京師戒嚴。詔各鎮勤王。

分遣文武大臣各九人守京城九門。急集諸營兵。僅四

五萬。老弱半之。是時禁軍冊籍皆虛數。又半役內外提督大臣家不歸伍。在伍者亦涕泣不敢

前從武庫索甲仗主庫

久之不能軍詔城中居民及四

方入應武舉者悉登陴守命都御史商大節

字孟堅鍾祥人率

五城御史統之發帑金五千兩令便宜募壯士時寇已

自通州渡河而西前鋒七百騎駐安定門外教場遂薄

都城會大同總兵官仇鸞巡撫保定都御史楊守謙

字允

亨徐州人

各以兵至帝拜鸞大將軍節制諸路兵馬守謙爲

兵部侍郎提督軍務時勤王兵先後五六萬人皆聞變

卽赴未齎糗糧制下犒師牛酒諸費皆不知所出戶部

文移往復越二三日軍士始得數餅餌益饑疲不任戰

帝久不視朝軍事無由面白廷臣多以爲言不許禮部

尚書徐階復固請乃許之羣臣昧爽入至日晡帝始御

敵壘壓郊實家國安危所
係嚴嵩身居政府巨且急
籌勦寇之方以安都邑乃
詔旨方督趣進兵而嵩竟
視同隔膜阻撓出師惟慮
輦下失利之難以彌縫倖
其飽而颺去罔上縱敵喪
盡喪其罪殆視贖貨攬
權而更重至于汝襲受指
使而按兵不舉楊守謙托
持重而臨陣不前其駢服
上刑情罪惟允嵩獨得倖
逃憲綱亦未聞廷臣糾劾
及之非特國紀凌夷言路
諸臣亦豈能辭咎耶

奉大敗不發一詞。但命階奉敕諭切責百官而趣諸將

戰甚急。兵部尚書丁汝襲字大章。沽化人。以咨嚴嵩。嵩曰。塞上

敗可掩也。失利輦下。上無不知。誰執其咎。寇飽自颺去

耳。汝襲因不敢主戰。且承嵩意戒諸將勿輕舉。守謙以

孤軍薄諳達營而陳。無後繼。亦不敢戰。于是諸將皆堅

壁不發一矢。輒以汝襲及守謙為辭。寇遂燬城外廬舍。

火光燭天。亦莫能救。城西北隅。內臣園宅在焉。環泣帝前曰。將帥為文臣制。故寇得至此。

帝怒守謙益甚。寇縱橫內地。凡八日。本無意攻城。且所掠已過

望。乃整輜重。將趨白羊口。在昌平州西。有城。亦曰白楊。而去。仇鸞尾

之。寇猝東返。鸞兵潰死傷千餘人。寇遂徐由古北口出

塞。諸將收斬遺屍得八十餘級。以捷聞。帝優詔慰鸞。加

太保賜金幣。汝襲守謙棄市。帝將大行誅以懲後。汝襲

窘求救于嵩。嵩曰。我在。必

不令公死。及見帝。帝怒甚。竟不敢言。汝襲臨死。始知為

嵩所賣。守謙性遲重。客有勸之戰者。應曰。周亞夫何人

乎。客曰。公誤矣。今日何得比漢法。守謙不納。竟得罪。方

寇薄通州時。詔副都御史王儀以兵二千往守。巡按王

忬奏其虐大同軍。大同軍者。仇鸞兵也。及寇退。帝立命

逮儀。斥為民。而擢忬僉都御史代之。王儀字克敬。文

安人。

謫諭德趙貞吉

字孟靜。內江人。

為荔波典史。

方諳達薄都城。以謾書求貢。詔百官集議。貞吉奮袖大

言曰。城下之盟。春秋恥之。既許貢。則必入城。倘要素無

已。奈何。徐階曰。君必有良策。貞吉請追錄周尚文功。以

勵邊帥。出沈束于獄。以開言路。輕損軍之令。重賞功之

格。遣官諭諸將。力戰退敵。時帝遣中使。問廷臣。日中莫

寇薄城下。諸將不發一矢。

下詔集議。百官不發一語。

朝廷可謂無人。貞吉獨奮

袖大言。尚知以國事為念。

氣槩亦復凜然。可取且承

勅。即馳入營。弔勞軍。頗能

慷慨任事。雖所陳錄尚文

釋沈束迂濶。而無黨急圖

然其言亦不足深罪。嘉

靖方壯其志。而遷官旋怒。

其游說而杖謫何前後頓
或矛盾徒以柄臣嫉惡致
賞罰移于俄頃之間太阿
誰實操之而漫無主持若
是耶

發一語獨聞貞吉言心壯之召入左順門令手疏便宜
立擢諭德兼監察御史奉勅宣諭諸軍給白金五萬兩
聽隨宜勞賞嚴嵩心惡之先是貞吉廷議罷盛氣謁嵩
嵩辭不見貞吉怒叱門者適
趙文華至謂貞吉曰公休矣天下事當徐議之貞吉厲
聲曰汝輩安知天下事嵩聞之大恨趙文華慈谿人
會撰勅不令督戰以輕其權且不予一卒護行時寇騎
充斥貞吉馳入諸將營散金犒士宣諭德意明日即復
命帝怒謂貞吉漫無區畫徒為周尙文沈束遊說下獄
廷杖謫荔波典史

九月以仇鸞總督京營戎政

吏部侍郎王邦瑞

字惟賢
宜陽人

攝兵部事以營政久弛上疏

論之

畧曰國初京營勁旅不減七八十萬自三大營變
為十二團營又變為兩官廳雖寢不如初然額軍

常三十八萬有奇。今武備積弛。見籍至十四萬。而操練者。不過五六萬。比寇騎深入。戰守俱困。此其弊不在逃亡。而在占役。不在軍士。而在將領。蓋提督以下諸官。多世胄統袴。平時占役營軍。以空名支餉。臨操則集市人呼舞博笑而已。帝是其言。于是悉罷團營兩官廳。復三乞遣官精核。

大營舊制。設戎政府。以仇鸞統之。邦瑞協理。鸞方貴幸。

請選各邊兵。更番入衛。分隸京營。塞上有警。主將不得

徵集。由是邊事益壞。

鸞欲節制邊將。罷築蘇鎮邊垣。邦瑞皆以爲不可。鸞大憾。遂肆讒構。

會邦瑞陳安攘大計。被旨落職。鸞死踰十年。始復官。

廢鄭王厚烷。

懿王祐子。爲庶人。

帝修齋醮。諸王爭遣使進香。厚烷獨上居敬窮理克已

存誠四箴。演連珠十章。以神仙土木爲戒。帝怒。下其使

者于獄。已而故盟津王見愆。

祐釋之叔。

子祐樞。訐厚烷謀不

軌。初。兄。濂。以。罪。革。為。庶。人。至。是。祐。懌。求。復。郡。王。爵。怨。遣。厚。烷。不。為。奏。遂。承。帝。怒。撫。厚。烷。四。十。罪。以。叛。逆。告。

官往訊無左驗。帝下詔數厚烷驕慢無禮。廢為庶人。幽

之鳳陽。厚烷世子載堦。篤學有至性。痛父非罪見繫。築

上室宮門外。蓆藁獨處者十九年。隆慶初。厚烷復。爵。載堦始入宮。

削刑部郎中徐學詩。字以言。籍。上虞人。

先是諳達既退。詔廷臣陳制敵之策。諸臣多掇細事以

應。學詩憤然曰。大奸柄國。亂之本也。亂本不除。能攘外

患哉。即疏劾嚴嵩。畧曰。外攘之備。在于內治。內治之要。在于端本。今大學士嵩。輔政十載。奸

貪日甚。內結勲貴。外比羣小。文武遷除。悉要厚賄。致此。輩。格。克。軍。民。釀。成。寇。患。國。事。至。此。猶。敢。謬。引。佳。兵。不。祥。

之。說。以。謾。清。問。近。因。都。城。有。警。密。輸。財。賄。南。還。大。車。數。十。乘。樓。船。十。餘。艘。水。陸。載。道。駭。人。耳。目。舉。朝。莫。不。歎。憤。

而。無。一。人。敢。言。之。者。誠。以。內。外。盤。結。上。下。比。周。積。久。勢。成。而。其。子。世。蕃。又。內。狡。成。性。擅。執。父。權。凡。諸。司。章。奏。必。

卷之二

三

先關白。然後上聞。掩罪飾非。乘機搆隙。故凡論之者。雖不能顯禍之于正言直指之時。莫不假事因人。陰禍之于遷除考察之際。天下痛心。視為鬼蜮。伏願陛下罷嵩父子。別簡忠良。則內治既清。外患自寧矣。帝覽

疏。頗感動。方士陶仲文密言。嵩孤立盡忠。學詩特為所

私。修隙耳。帝于是發怒。下學詩詔獄。削其籍。先劾嵩者。陳紹與學詩皆同里。時稱上虞四諫。又都給事中厲汝

進。劾世蕃竊弄父權。嗜賄張炤。嵩上疏自理。且求援中

官。以激帝怒。帝廷杖汝進。譴典史。明年。嵩假考察。奪其職。厲汝進。字子修。灤州人。

冬十月。張治卒。諡文隱。

十一月。祧仁宗。祔孝烈皇后于太廟。

初。睿宗入廟。帝恐後世議祧。遂欲當已世。預祧仁宗。以孝烈祔廟。自為一世。下禮部議。尚書徐階抗言。女后無先入廟者。帝大怒。階惶恐。不敢守前議。遂祧仁宗。升祔

孝烈皇后。

辛亥

三十年春正月。戊錦衣衛經歷沈鍊。字純甫。會稽人。于邊。

初。趙貞吉請勿許諳達求貢。廷臣無敢是貞吉者。鍊獨大言以爲是。吏部尚書夏邦謨目之曰。若何官。鍊曰。錦衣經歷沈鍊也。大臣不言。故小吏言之。鍊憤國無人。致寇猖獗。請以萬騎護陵寢。萬騎護通州軍儲。合勤王師十餘萬。擊其惰歸。可大得志。帝不省。時嚴嵩用事。邊臣爭致賄遺。及失事懼罪。益輦金賄嵩。鍊時時扼腕。一日。從尚寶丞張遜業飲酒半。及嵩因慷慨詈罵。流涕交頤。遂疏劾嵩黷賄十罪。併及邦謨諂諛狀。請均斥罷。帝怒。撈之數十。謫佃保安。

鍊既被謫。中外懾嵩威。金鉗口。南京御史王宗茂拜官甫三月。卽劾

嵩負國十罪。疏至通政司。趙文華密以示嵩。留數日始上。山是嵩得預為地。遂以宗茂誣詆大臣。謫平陽縣丞。宗茂字時育。京山人。平陽。五季吳越縣。今屬浙江温州府。

三月開馬市于大同宣府。

仇鸞驚怯畏寇。密遣人持貨幣。結諂達義子托克托。使

貢馬互市。諂達許之。投書于宣大總督蘇祐。祐以聞。鸞

與嚴嵩定議。每歲春秋兩市。命侍郎史道涿州人領其事。

兵部車駕司員外郎楊繼盛字仲芳容城人以讐恥未雪。示弱

辱國。乃奏言十不可。五謬。謬曰。互市者。和親別名也。諂

大讐也。而先之和。不可一。下詔北伐。日夜征繕兵食。忽更之曰和。失信天下。不可二。堂堂中國。與之互市。不可三。海內豪傑。爭磨礪待試。一旦委置無用。異時號召。誰復興起。不可四。使邊鎮將帥。懈弛兵事。不可五。邊卒私通境外。例率裁禁。今乃導之與通。不可六。盜賊伏莽。徒憚國威。今知畏怯。睥睨之漸。必開。不可七。諂達往歲深

仇鸞畏寇苟安創開馬市
以取侮敵人楊繼盛抗疏
極言其于利害得失至爲
明暢嘉靖果爲感動卽當
奮獨斷罷行何以仍下鸞
會議鸞既窺知意方偏向
輒敢攘臂肆談密意隱告
以務求曲售其私而諸大

入乘我無備故也。備之一歲以互市終。彼謂國有人乎。不可入。或諂達負約不至。至矣。或陰謀伏兵突入。或今日市。明日復寇。或以下馬索上直。不可九歲。帛數十萬。得馬數萬匹。十年以後。帛將不繼。不可十歲。議者曰。吾外爲市以羈縻之。而內修我甲兵。此一謬也。夫寇欲無厭。其以終明甚。苟內修武備。安事羈縻。曰。吾因市以益吾馬。此二謬也。夫和則不戰。馬將焉用。且彼寧肯與我善馬哉。曰。市不已。彼且入貢。此三謬也。夫貢之賞不訾。是名美而實大損也。曰。諂達利我市。必無失信。此四謬也。吾之市。能盡給其衆乎。能信不給者之無入掠乎。曰。佳兵不祥。此五謬也。敵加已而應之。何佳也。人身四支。皆癰疽。毒日內攻。而憚藥石可乎。此蓋必有爲陛下主其事者。故公卿大夫知而莫爲一疏入。帝頗心動。下鸞言。宜奮獨斷。悉按諸言。互市者。疏入。帝頗心動。下鸞等會議。鸞攘臂詈曰。豎子曰不睹寇。宜其易之。諸大臣遂言遣官已行。勢難中止。帝尙猶豫。鸞復進密疏。乃下繼盛詔獄。貶狄道典史。

秋九月京師地震。

臣亦但言遣官已行竟不復論其事之是非模稜兩可嘉靖竟不能自主貶斥轉加小人撓亂國是真毫無忌憚然變之所以敢如此者則以恃嚴嵩而信嵩目蔽非嘉靖之咎其誰之咎哉

壬子三十一年春三月置內府營

置于內教場以練諸內使

以禮部尚書徐階兼東閣大學士預機務

初階由夏言薦嚴嵩忌之階恐被中傷乃精治齋詞迎帝意左右亦多為地者遂入閣

秋七月以王忬巡撫浙江備倭

自朱統死浙江不設巡撫者四年中外不敢復言海禁事奸民汪直徐海陳東麻葉輩悉逸海島為主謀倭悉聽其指揮遂誘之入寇而海中巨盜皆襲倭服飾旂號分艘掠內地無不大利由是倭患日劇廷議復設巡撫以王忬任之然賊已蔓延不可撲滅

初沿海要地建衛所設戰船董以都

司等官。控制周密。迨承平久。船敵伍虛。及遇警。乃募漁船以資哨守。兵非素練。船非專業。見寇舶至。輒望風逃匿。以故賊帆所指。無不殘破。明年春。直勾諸倭。大舉入寇。連艦數百。

蔽海而至。浙東西。江南北。濱海數千里。同時告警。破昌

國衛。明置。今裁。故城在浙江寧波府象山縣西南。陷上海城。元縣。今屬江南松江府。流

劫乍浦。鎮名。在浙江嘉興府平湖縣東南。海口要地。今有副都統駐此。金山。明衛。今為縣。屬松江府。

府。太倉崇明常熟。注俱見前。嘉定。朱縣。今屬太倉州。又明年。掠蘇州

松江。復趨江北。薄通泰。尋陷嘉善。明縣。宣德中置。今屬嘉興府。崇明。

入崇德縣。五季吳越置。今改名石門。屬嘉興府。掠嘉興。還屯柘林。鎮名。在松江府華亭縣東南。有城。

縱橫往來。忬不能禦。乃移忬巡撫大同。以李

天寵。孟津人。代之。

八月。仇鸞死。詔戮其屍。

馬市既開。諸邊日苦侵暴。帝命鸞逐寇大同。鸞不得已。出鎮川堡。遇伏敗還。至是病疽。猶戀大將軍印。不肯上。徐階密疏發鸞罪。兵部尚書趙錦亦言。強寇壓境。而鸞病不能軍。萬一寇衆長驅。貽憂君父不小。帝命罷鸞。以侍郎蔣應奎暫掌戎政。鸞大恚恨。疽益劇。遂死。始鸞與嵩約爲父子。已而相惡。嵩密疏毀鸞。鸞亦陳嵩世蕃貪橫狀。帝少疎嵩。嵩當入直。不召者數矣。嵩見徐階。李本。詔旨格之。嵩還第。父子對泣。嵩因結錦衣都督陸炳共圖鸞。鸞既死。炳盡發其通虜納賄狀。帝大怒。下詔暴鸞罪。追戮之。傳首九邊。

九月。河決徐州。

運道淤阻五十里。總河都御史曾鈞。字廷和。進賢人。請濬劉伶

臺。在淮安府山陽縣東北臨淮。至赤宴廟。在淮安縣。八十里。築草灣。在山陽縣。

西北。老黃河口。增高家長堤。在山陽縣西南。洪澤湖東。繕

新莊等舊牐。新莊牐在清河縣惠濟祠東。明初建。後廢。從之。

罷馬市。

諸達以羸馬索厚值弗予。輒大譁。大同市則寇宣府。宣

府市則寇大同。甚者朝市暮寇。併羸馬掠去。帝惡之。詔

罷馬市。

冬十月。築京師外城。

以寇警故。築外城一十五里。閱九月訖工。

十二月。殺光祿寺少卿馬從謙。字益之。溧陽人。

中官村泰提督光祿寺乾沒內帑數萬從謙奏發其罪並及宮中齋醮事命下詔獄杖殺之

癸丑三十二年春正月戊寅朔日食陰雲不見

兵部員外郎楊繼盛上疏劾嚴嵩下詔獄

帝既誅仇鸞罷馬市乃思繼盛言自典史四遷爲兵部員外郎時嚴嵩方用事恨鸞初凌已善繼盛首攻鸞欲驟貴之復改兵部武選司而繼盛惡嵩甚于鸞且念起

謫籍思所以報國抵任甫一月卽草疏劾嵩十大罪五

奸畧曰祖宗罷丞相設閣臣備顧問視制草而已嵩乃嚴然以丞相自居百官奔走請命直房如市無丞相名而有丞相權是壞祖宗之法大罪一陛下用一人高曰我薦也斥一人曰此非我所親陛下用一人我救也罰一人曰此得罪于我何陛下喜怒以恣威福是竊君上之大權大罪二陛下有善政嵩必令子世蕃

告人曰。主上不及此。我議而成之。欲天下以陛下之善。盡歸于已。是掩君上之治功。大罪三。陛下令嵩票擬。蓋其職也。嵩何取而令世蕃代之。題疏方上。天語已傳。故京師有大丞相小丞相之謠。是縱姦子之僭竊。大罪四。嚴效忠。嚴鵠。乳臭子耳。未嘗一涉行伍。皆以軍功官錦衣。兩廣將帥。俱以私黨。贖府部。是冒朝廷之軍功。大罪五。逆鸞下獄。明世蕃三千金。嵩即薦爲大將。已知陛下疑鸞。乃互相排詆。以民前迹。是引悖逆之姦臣。大罪六。諂達深入。擊其惰歸。大機也。嵩戒丁汝夔勿戰。是誤國家之軍機。大罪七。郎中徐學詩。給事中厲汝進。俱以劾嵩削籍。內外之臣。中傷者何可勝計。是專黜陟。大罪八。文武遷擢。但論金之多寡。將弁惟賄嵩。不得不起域中。是失天下之心。大罪九。自嵩用事。風俗大變。賄賂者薦及盜跖。疏拙者黜逮夷齊。守法度者爲迂滯。巧彌縫者爲才能。是敝天下之風俗。大罪十。嵩有是罪。而又濟之以五奸。以左右侍從之能。察意旨也。厚賄結納。得備聞宮中言動。是陛下之左右。皆賊嵩之間諜。以通政司之主出納也。以趙文華爲使。凡有疏至。必先送嵩閱。竟然後入御。是陛下之喉舌。乃賊嵩之鷹犬。畏厥衛之緝訪也。即令子世蕃結爲婚姻。是陛下之爪牙。皆賊嵩之爪葛。畏科道之多言也。非其私屬。不得與臺

諫有所愛憎。卽授之論刺。是陛下之耳目。皆賊嵩之奴隸。懼部寺之猶有人也。擇有才望者。羅致門下。聯絡盤結。深根固蒂。是陛下之臣工。皆賊嵩之心膂。陛下奈何愛一賊臣。而使百萬蒼生陷于塗炭哉。願陛下聽臣之言。察嵩之奸。或召問景裕。二王。或詢諸閣臣。重則置之憲典。以正國法。輕則諭令致仕。以全國體。嚴效忠。嚴

蕃子。俱世

疏入。帝已怒。嵩見召問。二王語喜。謂可指此爲

罪。密構于帝。帝益大怒。下繼盛詔獄。詰何故引二王。繼

盛曰。非二王。誰不懼嵩者。獄上。杖之百。移刑部定罪。繼

將杖。或遺之蚬蛇膽。却之曰。椒山自有膽。何蚬蛇爲。椒

山繼盛別號也。及入獄。創甚。夜半而蘇。碎毳盤。手割腐

肉。肉盡。筋掛膜。復手截去。獄卒執燈。顛欲墜。繼盛意氣自若。侍郎王學益。安福

也。欲坐繼盛。詐傳親王令旨。絞郎中史朝賓。晉江持之。

嵩謫之外。于是尙書何鰲。山陰人。竟如嵩指成獄。繼盛旣

方蓄怒。以待言者。兵部郎中周冕。申論嚴效忠冒功事。

力陳其誣妄。遂下詔獄。雲南清軍御史趙錦。以元旦日

趙全邱富本一邊塞小民
初非如漢之中行說以奉
使叛降者可比則當獲罪
之初卽應早收捕以申國
典或狡焉免脫亦當嚴爲
追緝毋使得遠竄窮荒乃
邊臣縱弛自如意置通逃
于不問使強敵擁爲謀主
坐擄漠陲又不懲前事之
疎申明禁令聽亡命者得
潛出相依養癰貽患明代
世律不嚴武臣多存畏怯
以國家全力坐困于二

食爲權奸亂政之應。馳疏請罷嵩。以謝天變。帝手批責
錦。誣天謗君。遣官逮至京。下獄拷訊。斥爲民。趙錦。字
元樸。餘姚人。時有兩趙錦。
一爲兵部尙書。一卽此。

秋七月。諸達大舉入寇。

初叛人趙全邱富等。以罪亡入敵。數誘人寇。且教之益

習攻戰事。諸達信用之。

全富等。尤與其黨蕭芹同入敵。芹詭言能喝城使墮。敵貢市時。

欲毀邊垣。試其術。不驗。遂縛以獻。而全富等竟匿不出。
乃招集亡命。居豐州。築城自衛。墾水田。構宮殿。號曰拜

姓。諸達每入寇。必置酒全所問計。豐其春。兩犯宣府。
州城。卽今歸化城。拜姓舊作板升。今改。

至是大舉深入。下渾源。靈邱。廣昌。急攻插箭浮圖等峪。

插箭峪。在廣昌縣東南。浮圖遊擊陳鳳。朱玉力戰却之。
峪。在廣昌縣東。路出紫荆關。

敵分兵東犯蔚。西掠代。繁時。已駐廊延二十日。屠掠延

慶諸城。幾遍。會久雨。乃去。未幾。復寇大同。巡撫趙時春

塞上流民視拜姓竟如甌
脫其尙何以立國乎

後魏行武軍

卷之二

三

字景仁。禦之遇伏。敗績。總兵官李淶戰死。全軍皆沒。既

而復犯宣大。

在明
年春

攻薊鎮牆。百道並進。警報日數十至。

京師戒嚴。薊遼總督楊博。

字惟約
蒲州人

悉力拒守。募死士夜

斫其營。敵驚擾。乃遁。

柘城

隋縣。今屬河南
歸德府

盜師尙詔作亂。官軍討平之。

尙詔本鹽徒。

以私販作奸。剽掠遠近。官府不能制。巡撫

謝存儒。

蒲州人

苟幸無事。假以總保長。令總諸鎮民捕盜。

尙詔肆爲威虐。守臣欲誅之。遂反。結劇盜數千。薄歸德

城。其黨啟門納之。乃刦獄囚。掠帑藏去。官軍分道擊賊。

遇之鄆陵。

注前
見

與戰。敗績。已追獲于山東莘縣。

注亦
見前詔

卽所在斬之。賊起四十餘日。破府一。州二。縣八。屠戮十

嘉靖醉待言官力加擁抑
錮獄杖死者接踵于廷已
非政體至賀表違式其事
尤微何亦重加譴責蓋自
嚴嵩柄用羣臣異論紛如
嘉靖聽嵩之惡與蓄怒以
待者已久而衆喙仍然不
已則益務先事施威欲以
休其心而箝厥口耳爾時
臺諫陳言固不必盡中事
理而嘉靖借端抒憤至以
元日盡撻科臣乖妄更甚
矣

餘萬人。三省皆震。

甲寅三十三年春正月朔杖六科給事中于廷

以科臣賀表違制盡予杖

夏五月命張經總督軍務討倭。

經爲南京兵部尙書朝議以倭寇猖獗議設總督大臣。

命經不解部務督江南北浙江山東福建湖廣諸軍便

宜行事既而用兵科言改經右都御史兼兵部侍郎專

辦討賊時倭二萬餘據柘林川沙窪

在松江府上海縣東南有城爲沿海

巨鎮抄掠四出經至選將練兵爲搗巢計以江浙山東兵

屢敗乃大徵兩廣狼土兵協力進剿。

秋七月詔勲戚大臣入直西內。

從其便
卷之五

帝崇道益篤。特命駙馬都尉鄔景和、安平伯方承裕、銳

子。尚書李默。字時言。甌寧人。王用賓。字元興。咸寧人。左都督陸炳入直

西內。侍郎程文德。字舜敷。永康人。閔如霖。字師聖。烏程人。郭樸。字質夫。安陽人。

吳山。字曰靜。高安人。供撰青詞。景和以不諳元理辭。帝不悅。罷

其入直。已而資在直諸臣。景和與焉。景和辭免。且言臣

願洗心滌慮。効馬革裹尸之報。帝怒其怨訕。黜為民。

乙卯 三十四年春二月。遣趙文華督視海防。

文華詔事嚴嵩。結為父子。自通政使。進工部侍郎。東南

倭患棘。文華言七事。首請遣官望祭海神。帝用嵩言。即

命文華往。兼督察軍情。文華恃寵恣睢。百司震懼。公私

財賂填集。江南為之困敝。又牽制兵機。顛倒功罪。雖徵

倭患方亟。自當以禦擊為先。文華條上機宜。乃首請祭海神。以求福實為可嗤。可鄙。嘉靖竟徇嵩私請。即令其督察軍情。安望其能遏潢池寇焰。至其恣睢黷

竄毒東南尤人所必至實不足深責矣

兵半天下而倭勢愈熾。

夏五月張經敗倭于王江涇。

在嘉興府秀水縣北一名聞川宋聞人氏家焉今有鎮爲

南北要衝詔逮經下獄。

趙文華頤指大吏經以位在其上獨輕之文華不悅與

巡按御史苗宗憲

字汝貞績溪人

比屢趣經進兵時諸路狼兵

已集惟永順保靖兵未至經欲待其至而後戰文華再

三言經守便宜且慮文華輕淺洩師期竟不以告文華

怒疏劾經養寇失機疏方上而永保兵已至經大破倭

于王江涇斬一千九百餘級焚溺死者無算爲軍興戰

功第一文華攘之以奏謂已與宗憲督師所致帝問嚴

嵩嵩對如文華指且言狼兵初至經不許戰及文華宗

憲致捷。遂冒以為功。帝深入其言。即下詔逮經。經至。疏言臣任總督半載。前後俘斬五千。乞賜原宥。不納。遂與巡撫李天寵。以文華謗除名。復為宗憲所劾。被逮。俱論死。繫獄。舉朝知其冤。莫敢奏。

冬十月。殺張經。李天寵。遂及兵部員外郎楊繼盛。

繼盛繫獄三載。帝猶無意殺之。

每朝審時。觀者塞衢。見繼盛囊三木。輒憤歎曰。

奈何不以囊嵩而囊若。或至泣下。

已而有為營救于嵩者。其黨胡植。

南昌人。

鄢懋卿。

豐城人。

怵之曰。公不覩養虎者邪。將自貽患。嵩

領之。會張經。李天寵。坐大辟。嵩揣帝意必殺二人。比秋

審。因附繼盛名。並奏得報。繼盛妻張氏。伏闕上書。請代

夫死。

其辭曰。臣夫繼盛。誤聞市井之言。尚狃書生之見。遂發狂論。聖明不即加戮。俾從吏議。兩經奏讞。並

張經討倭。頗著斬獲。成勞。趙文華既攘其功。且因嫌誣訐其罪。致與李天寵同時論死。實為冤獄。嘉靖何以不加寢究。必欲置之於

死且為嵩所窺測陰售其奸至楊繼盛繫獄三年與此事尤風馬牛之不相及乃竟竄入案中妄加刑戮嵩之惡固不足論但秋讞既上卽情真罪當尚宜再四推求顧令無辜駢首市曹茫然罔覺是嘉靖于奏書全不寓目致權奸得以肆意竊刑庸憤實甚矣

荷寬恩今忽闖入張經疏尾奉旨處決臣仰惟聖德昆蟲草木皆欲得所豈惜一迴宸顧下逮覆盆倘以罪重必不可赦願卽斬臣妾首以代夫誅夫雖遠禦魑魅必能為疆場效死以報君父

盛遂與經天寵並棄西市

繼盛臨刑賦詩曰浩氣還太虛丹心照千古平生未報恩

留作忠魂補天下涕泣傳誦之隆慶初賈直諫諸臣以繼盛為首贈太常卿諡忠愍張經亦復官諡襄愍

十一月壬辰朔日食

十二月山西陝西河南地震

聲如雷雞犬鳴吠陝西渭南華州朝邑三原及山西蒲州諸處尤甚或地裂泉湧中有魚物或城郭廬舍陷入地中或平地突成山阜河渭溢華岳終南山鳴官吏軍民死者八十三萬有奇

丙辰三十五年春二月趙文華還京以胡宗憲總督軍務討

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽
卷之三百

倭。

初張經被逮。易以周琬。應城人。未幾。又以楊宜。衡水人。代之。

張經深得狼土兵心。既逮。皆憤恨無鬪志。宜節制時倭。

聚柘林。其黨自紹興竄。轉掠杭嚴徽寧國太平。直犯南

京。出秣陵關。在江寧縣南。今有鎮。刦溧陽宜興。抵無錫。趨潁墅。關名。

在長洲縣西北。吳地記。本名虎嘯。唐諱虎。錢氏諱嚳。遂改名潁墅。轉鬪數千里。殺傷四

千人。歷八十餘日。始為應天巡撫曹邦輔。字子忠。定陶人。所殲。

文華欲分其功。而邦輔捷書已奏。文華恨之。乃大集浙

直兵。與宗憲親將之。搗倭于松江之陶宅。在奉賢縣西北。進營

驪橋。倭悉銳來衝。大敗。文華氣奪。乃定計招撫。會川兵

破賊周浦。在奉賢縣東南。總兵俞大猷。字志輔。晉江人。破賊海洋。文華

遂言水陸成功。江南清宴。請還朝。許之。比至。言餘倭無幾。盛毀楊宜而薦宗憲。遂奪宜職。謫戍邦輔。而推宗憲爲兵部侍郎。督諸軍討倭。

三月。以趙文華爲工部尙書。

文華歸後。東南敗報踵至。帝疑文華妄。數詰嚴嵩。嵩曲爲解。帝終不釋。文華稔帝好告訐。會吏部尚書李默發策試選人。中言漢武征四夷而海內虛耗。唐宗攻淮蔡而晚業不終。文華劾其誹謗。默坐死。帝以是爲文華忠。進尙書。加太子太保。

夏五月。復遣趙文華視師。

倭警還至。部議再遣大臣督師。已命兵部侍郎沈良才。

EAST ASIAN LIBRARY
UNIVERSITY OF TORONTO LIBRARY

和主序仁通集覽 卷之二十一

三

人。泰州矣。嵩令文華自請行。且言江南人矯首望文華。帝

信之。命兼右副都御史。提督軍務。文華再出。胡宗憲欲

藉以通嵩。詔奉無不至。文華素不知兵。亦倚宗憲。兩人

交甚固。已而宗憲俘陳東。平徐海。宗憲遣指揮夏正等。

有約。所慮獨公耳。海因疑東而東知海營有宗憲使者。

亦大驚。由是有隙。宗憲因諭海縛陳東麻葉。許以世爵。

海果縛葉以獻。宗憲解其縛。令以書致東。圖海而陰泄

其書于海。海怒。海妾受宗憲賂。亦說海。于是海復行計。

縛東來獻。刻日請降。忽率百餘人。先期猝至。文華懼。欲

弗許。宗憲強之。海叩首伏罪。宗憲慰之。海自擇沈莊屯

其衆。沈莊者。東西各一。以河爲塹。宗憲居海東莊。以西

莊處東黨。令東致書其黨曰。督府檄海夕擒若屬矣。東

黨懼。乘夜攻海。海走。間道。官軍圍之。投水死。

文華以大捷聞。歸功上元。帝大

喜。加文華少保。宗憲右都御史。

秋九月。徽王載堉有罪。廢爲庶人。自殺。

初載埜父厚燭。善方士陶仲文。仲文奏其忠敬奉道。帝喜。封爲真人。予金印。及載埜嗣。益以奉道媚帝。命縮其父真人印。南陽人梁高輔者。自言能導引服食。載埜用其術和藥。命高輔因仲文以進。高輔被上寵。不復親載埜。載埜銜之。已而高輔爲帝取藥不得。求載埜舊所蓄者。載埜不與。而與仲文。高輔大恨。乘間言載埜過失。載埜壞民屋作臺榭苑囿。庫官王章諫杖殺之。嘗微服至揚州。鳳陽爲邏者所獲。羈留三月。走歸。帝疑之。奪真人印。仲文知覺已成。不敢言。會有民耿安告載埜奪其女。下按治。有司因發其諸不法事。詔廢爲庶人。錮高墻。載埜自縊死。妾妾皆從之。

冬十月丙戌朔日食。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽 卷之五

丁巳三十六年夏四月奉天華蓋謹身三殿災。

帝下詔引咎修齋五日。止諸司封事。

秋九月趙文華有罪免其子懌思戍邊。

三殿既災帝急欲建正陽門樓文華猝不能辦帝不懌。

且聞其視師江南黷貨要功狀思逐之嚴嵩言文華因

觸暑南征疾尚未愈隨令上章稱疾帝手批令回籍休

養制下舉朝稱賀嵩獨不怡者累日帝以文華雖逐未

盡其罪而言官無攻之者帝怒無所洩會其子錦衣千

戶懌思以齋祀停封章日請假送父帝大怒黜文華為

民戍懌思邊衛。文華故病蠱及遭譴卧舟中意悒悒不

殺前錦衣衛經歷沈鍊。自聊一夕手捫其腹腹裂臍腑出遂死

沈鍊觸忤權奸致遭貶謫
楊順以封疆大臣竟甘與
路楷同為私門鷹犬逞志
搆誣至于弋獲妖人而喜
謂其足以報嚴公子遂從
而羅織以殺直臣實為弁
髦國法也蔭子遷官復賺
于相酬之薄戮及其孥以
冀為取媚彼雖覩然人面
實不知其是何肺腸也然

鍊既至保安未有館舍賈人某詢知其得罪故空家舍
授之里長老亦日致薪米遣子弟就學鍊語以忠義大
節皆大喜塞外人素慙直又稔知嚴嵩惡爭罵嵩以快
鍊且縛草為人象李林甫秦檜及嵩醉則聚子弟攢射
之或踔騎居庸關口南向戟手詈嵩痛哭而歸語稍稍
聞京師嵩大恨其黨路楷汶上人巡按宣府世蕃屬與總
督楊順德州人合圖之兩人日夜謀中鍊會蔚州獲妖人
閻浩詞所連甚衆順喜謂楷曰是足以報嚴公子矣竄
鍊名其中上之遂斬宣府市戊子襄極邊予順一子錦
衣千戶楷待銓五品卿寺順曰嚴公薄我賞意豈未慚
乎併取鍊子袞褒杖殺之

方伯媚奸臣之子而殺人之子而嘉靖不知是時國政尚可問乎

後抄居通鑑輯覽卷之一百九

冬十一月諸達子錫林阿

舊作辛愛今改後仿此

圍大同右衛

錫林阿有妄托斯齊

舊作桃松寨今改

私部曰懼罪來降楊順

謂為奇功致之京師錫林阿來索不得寇應朔二州毀

七十餘堡縱掠大同圍右衛數匝順懼乃詭言敵欲以

叛人趙全等來易托斯齊兵部尚書許論

字廷議進少子以為

便乃給托斯齊使出塞西走陰告錫林阿錫林阿執而

戮之狎知順無能圍右衛益急更分兵犯宣薊西鄙震

動嚴嵩論計欲棄右衛帝不聽詔諸臣發兵措餉而以

兵部侍郎江東

山東朝城人

代順時故將尚表以餽餉入圍

城悉力捍禦時出兵突戰獲諸達孫及塔與其部將各

一人會江東及巡撫楊選

字以公章邱人

總兵張承勲等各嚴

兵進圍乃解。

胡宗憲誘降海盜汪直誅之。

直據海島挾倭爲雄。朝廷懸賞購之。迄不能致。旣而內地有備。倭亦多被勦戮。有全島無一人歸者。往往怨直。直不自安。宗憲與直同鄉里。欲招致之。釋直母妻于獄。館之杭州。資給甚厚。遣寧波諸生蔣洲齎其家書往招直。直知家屬固無恙。頗心動。及是遂率夷目數十人來貢市。泊舟山。在寧波府定海縣治東。明設千戶所于此。今改名定海山。之岑港。在定海縣西北。舊爲戍守要地。將吏以爲入寇。陳兵備。直遣其養子王激入見。宗憲曰。我以好來。何故陳兵相待。宗憲解諭百方。直終不信。要一貴官爲質。宗憲立遣指揮夏正往。直疑解。

乃來謁。宗憲慰之甚至。令謁巡按御史王本固。邢臺人。于

杭州。本固下直于獄以聞。宗憲疏請曲貸直。以繫番人

心。本固爭之彊。遂斬直。其黨大恨。支解夏正。焚舟登山。

阻岑港而守。已移之柯梅。嶺名。在定海縣海中。過此卽爲外洋。造新舟以

遁。宗憲利其去不追。賊遂揚帆而南。流劫閩廣。

戊午

三十七年春三月。總督宣大侍郎楊順以罪逮下獄。

方錫林阿圍大同。殺掠吏民無算。順懼路楷奏之。賄以

七千金。楷悉爲掩覆。及是。給事中吳時來。字惟修。仙居人。抗章

劾順罪。且發楷受金狀。帝方怒順召寇。立命逮順。及楷

下獄。嚴嵩不能救。乃言楷受金當勘。而令其黨給事中

鄭茂往。茂還。事事爲順辨。復言楷受金無左驗。順、楷俱

薄譴。于是時來即劾嵩。明奸罔上。會主事張翀。字子儀。柳州人。

董傳策。

字原臣。松江華亭人。

亦于是日劾嵩。翀與時來皆徐階門

生。傳策則階邑子。時來先又官松江。嵩疑階主使。乃密

奏三人同日構陷。必有人主之。帝下三人詔獄。鞫訊久之。無所得。三人皆譴戍。然自是帝亦稍厭嵩矣。

秋八月。寇圍甘州。

濟農

舊作吉能。即前濟農子。按濟農係蒙古王號。故父子並襲其稱。舊分作吉囊。吉能。音譯岐誤。今俱改。

正。犯永昌。涼州。進圍甘州。十四日始退。

冬十月。禮部進瑞芝。

先是。帝于秘殿扶乩。言服芝可延年。乃詔有司採芝五岳及諸名山。至是。禮部進一千八百六十本。詔廣求徑

尺以上者。宛平民獻芝五本。賚銀幣。于是四方來獻者。接踵。皆積苑中。內侍竊出市人。復進之以邀賞。凡得芝萬本。聚為一山。號萬歲芝山。

己未三十八年春二月。錫林阿寇灤河。

錫林阿與婁巴圖爾。

舊作老把都。今改。

諸部謀大舉入犯。屯會

州。注見前。

聲言東下。薊遼總督王忬不能察。遽引兵而東。

號令數易。虜乘間入潘家口。渡灤河而西。大掠遵化。遷

安薊州。玉田。駐內地五日。京師大震。御史王漸方輅交

章劾忬。遂逮忬下詔獄。論死。

初帝器忬才甚眷之。所建請無不從。及為總督。邊將

數以敗聞。漸失寵。嚴嵩雅不悅忬。而忬子世貞復以口語為嵩子世蕃所憾。楊繼盛之死。世貞又經紀其喪。嵩父子益大恨。深河變聞。遂得行其計。

隆慶初。世貞伏闕訟冤。復忬官。予卹。

夏五月。巡撫都御史李遂

字邦良。平江北倭。豐城人。

倭數百艘寇海門。注見前。遂令副使劉景韶湖廣崇陽人。

遊擊邱陞扼如臯。而身馳泰州當其衝。賊知如臯有備。

將犯泰州。遂急檄景韶陞遏賊。連戰皆捷。先是。語諸

將曰。賊若由泰州出鳳泗。則陵寢驚。若由黃橋鎮名。在通州泰

興縣逼瓜儀。則運道梗。若沿海而至廟灣。在淮安府山陽縣東北。射

陽湖會諸水。由此入海。則絕地也。及是賊果沿海東掠。

遂喜曰。賊無能為矣。令景韶尾其後。而致之廟灣。復慮

賊突淮安。乃夜半馳入城。賊尋至。遂督叅將曹克新等。

禦之姚家蕩。在淮安府鹽城縣西北。為濱海重地。會通政唐順之。時奉命視師江

浙。副總兵劉顯。南昌人。來援。賊大敗。走保廟灣。景韶亦敗。

賊印莊。鎮名。在泰興縣東。廟灣賊據險不出。攻之月餘。不克。順

卷之一

三

之顯馳救三沙。注見前。遂令景韶填塹夷木壓壘而陳以

火焚其舟。賊乘夜雨潛遁。追奔至蝦子港。方輿紀要。姚家蕩東南有蛤蜊蝦子等港。

為賊窺伺徑道。江北倭悉平。帝璽書獎遂。遷南京兵部

侍郎。以順之代為巡撫。順之尋卒。順之初舉進士第一。改庶吉士。尋調主事。

遂引疾歸。讀書陽羨山中。凡天文樂律地理兵法。孤矢

順之。順之商出處于羅洪先。洪先曰。向已錄名仕籍。此

身非我有。安得伴處士。順之遂出。然聞璽頗由此損。

營兵驕悍。惟當嚴紀律

以儆不馴。黃懋官乃減餉

緩期妄行裁抑。措置未為

失當。但軍士輒敢戕害督

儲大臣。即與叛逆無異。自

當廣搜黨與。重示刑誅。乃

何緩持紙牒。金季遂閉閣

秋七月南京地震

庚申三十九年春二月南京兵亂殺總督糧儲侍郎黃懋官

人。

先是南京設振武營募健兒禦倭素驕悍懋官稍裁抑

之。舊制南軍有妻者月糧米一石無者減其四春秋二仲米石折銀五錢馬坤掌南戶部奏減折色之一懋

給券其畏葸縮腦情形實
為可笑可鄙比亂兵稍戢
轉以定變邀功而首惡就
又僅誅既死之三人以
圖了局軍政陵夷若此
之不節亡幸耳

官又奏革募補者妻糧諸軍以歲饑求復折色故額諸
懋官不可給餉又復逾期馬坤字順卿南通州人諸
軍大怒遂以都肄日殺懋官裸尸于市守備太監何綬
等遣吏持黃紙許給賞萬金卒輒碎之許犒十萬金乃
稍定侍郎李遂託病閉閣給免死券以慰安之而密捕
首惡二十五人繫獄事聞追視懋官官止誅叛卒三人
而三人已前死兵自此益驕

三月以鄒懋卿總理鹽政

舊制無一人總理四運司者至是懋卿以嚴高力總理
兩浙兩淮長蘆河東鹽政驟增鹽課四十餘萬所至市
權納賄勢焰薰灼其按部常與妻偕行製五絲輿令十
二女子舁之道路傾駭淳安知縣海瑞字汝賢瓊山人供帳簡

EAST ASIAN LIBRARY
UNIVERSITY OF TORONTO LIBRARY

行狀不遺金匱
卷之一頁

三

薄抗言貧邑不能容軒車。慈谿知縣霍與瑕子之亦清
鯁不屈。懋卿嗾巡鹽御史袁淳劾之。俱削籍。已嵩敗懋卿以贓戍邊。

秋七月。大同總兵劉漢大同人襲諸達于豐州。破之。

先是虜聚眾喜峯口。規犯薊鎮。漢乘虛擣其帳于灰河。在寧武府西。下流至馬邑縣。入桑乾河。至是漢復與叅將王孟夏等分道

出擣豐州。擒斬百五十人。焚拜牲畧盡。時邸富已隨虜
帳他徙。趙全亦遁免。邊兵積弱已久。寇易之。駐近塞。出沒無所忌。及是再為漢所挫。他鎮亦往往乘間出擣。

寇始懼。漸移其帳。

八月。胡宗憲獻白龜芝草。

自趙文華得罪。宗憲失內援。又見倭患方未已。思自媚

于上。乃于一歲中再獲白鹿以獻。在三十帝喜天瑞頻

降。告謝元極寶殿及太廟。百官稱賀。晉宗憲秩兵部尚

書兼節制巡撫。及操江都御史。如三邊故事。至是復獻

白龜二。五色芝五。帝益大悅。賜名龜曰玉龜。芝曰仙芝。

告謝如前。資宗憲加等。宗憲性喜賓客。東南才學士茅

用是名日起。其獻白鹿也。令渭草表。并他客草。寄所善

學士。擇其尤者上之。學士以渭表進。帝稱善。宗憲以是

益重渭。渭知兵。好奇計。宗憲擒徐海。誘汪直。皆預謀焉。

後宗憲敗。渭佯狂自廢。茅坤字順甫。歸安人。徐渭字

文長。山陰人。沈明

臣。字嘉則。鄞人。

EAST ASIAN LIBRARY
UNIVERSITY OF TORONTO LIBRARY

從杜居仁通鑑

卷之一

四

御批歷代通鑑輯覽卷之一百十

明

世宗皇帝

辛酉嘉靖四十年春二月辛卯朔日食。
景王載圳之國。

初莊敬太子薨。廷臣言裕王次當立。不報。帝晚年信方士語。二王皆不得見。載圳年少。既與裕王同出邸。居處衣服無別。左右頗懷覬覦。至是之國德安。居四年薨。無子。國除。

三月太白晝見。

秋七月己丑朔日食。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽 卷之三百

冬十一月以袁煒字懋中慈谿人為戶部尚書兼武英殿大學士預機務。

先是二月日食微陰欽天監言日食不見即同不食嚴嵩以為天眷趣禮部急上賀煒亦以為言尚書吳山仰首視天日方虧將誰欺邪仍救護如常儀帝怒山引罪去遂以煒代山及七月又日食欽天監言食止一分五秒例免救護煒乃阿帝意上言陛下以父事天以兄事日是以太陽晶明氛祲銷鑠食止一分與不食等臣等不勝欣忭疏入帝大喜及是遂入閣煒本以青詞進與李春芳字子實揚州興化人嚴訥字敏卿常熟人郭樸並號青詞宰相煒才思敏捷每撰青詞援筆立就遇中外獻瑞輒極詞頌美帝畜一猫死命內直諸臣撰詞以醺煒詞有化獅薄蝕布算可知本不應少

有差錯若史書所載當食不食皆因疎于推測耳至于陰雲不見尤屬偶爾被遮乃嚴嵩遽以為與不食相同侈陳瑞應徒為人所鄙笑而袁煒且以食止一分遂詔為氛祲銷鑠獻頌貢諛小人止圖榮寵而罔顧事理之是非亦可醜矣

作龍語。帝大喜悅。其詭阿媚上多類此。以故帝急枋用之。恩賜稠疊。他人莫敢望。

萬壽宮災

萬壽宮在西苑。成祖舊宮也。帝自二十一年宮婢之變。卽徙居此。是夜火作。禁衛不及救。乘輿服御及先世寶物盡燬。乃暫御玉熙宮。

壬戌

四十一年夏五月。嚴嵩以罪免。其子世蕃下獄。

帝居西苑。大臣希得進見。惟嵩獨承顧問。御札一日或數下。雖同列不獲聞。以故嵩得逞志。徧引私人居要地。士大夫奔走輻輳。皆惴惴事嵩。然攬權旣久。帝亦浸厭之。而漸親徐階。初。帝所下手詔。語多不可曉。惟世蕃一覽了然。答語無不中。

世蕃頗通國典。曉暢時務。嘗自負爲天下才。嵩旣耄昏。且旦夕值西

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽卷之三百一

內諸司白事輒日以質東樓東樓者世蕃別號也及嵩妻歐陽氏死世蕃居喪

不得入直所代票擬嵩受詔多不能答每遣人持問世

蕃值其方縱淫樂不以時答中使相繼促嵩嵩不得已

自爲之往往失指所進青詞又多假他人手不能工以

此積失帝歡會萬壽宮災嵩請徙南城離宮南城英宗

爲太上皇時所居也帝不悅而階營萬壽宮甚稱旨帝

玉熙宮隘甚欲有所營建以問階階請以三殿餘材營

之可計月而就帝悅命階子尙寶丞璠兼工部主事十

旬而工成帝即日徙居之由是帝益向階顧問多不及嵩即及嵩祠

祀而已未幾方士藍道行假託仙語言嵩奸罪道行以

幸故惡嵩帝問天下何以不治道行詐爲仙語具道嵩父子弄權狀帝問上仙何不亟之答曰留待皇帝自殛帝心動欲逐嵩御史鄒應龍字雲卿避雨內侍家偵知

前此論嚴嵩者不一嘉靖並置若罔聞何一聞方士之言即能心動甚至以不殛轉叩上仙煬敵尙可言耶况嵩始藉陶仲文以固寵繼由藍道行而去位進

退之柄皆不由土出則雖
罪狀自此而彰要難語干
黜陟之正也

之。因抗疏極論嵩父子不法。應龍將具疏。夜夢出獵。見一高山。射之不中。東有培塿。其下甚壯。一注矢拉然。覺而悟曰。此小兒東樓之兆也。遂專劾世蕃罪狀。因及嵩溺愛惡子。招賂市權。亦宜亟放歸田。且曰。如臣言不實。乞斬臣首以謝嵩。世蕃。帝遂罷嵩。下世蕃詔獄。嵩為

世蕃求釋。不聽。法司奏論世蕃及其子錦衣鵠。鴻客羅龍文俱戍邊。詔從之。特宥鴻為民使侍嵩。而錮其奴嚴

年于獄。龍文官中書。與世蕃交關為奸利。而年最黠惡。士大夫無恥者。競稱萼山先生。擢應龍

通政司叅議。侍郎魏謙吉。栢鄉人。等皆坐姦黨黜謫有差。

士默特。即韃靼小王子。後嘉靖初。徙幕東方。按土默特。舊作土蠻。今改。後仿此。寇遼東。總兵

官黑春戰死。

土默特入撫順。城名。在奉天府承德縣東。與興京接界。復攻鳳凰城。在奉天府

東南。鴨綠江經此。入朝鮮國。春與把總田耕等力戰。三日夜死之。

EAST ASIAN LIBRARY
UNIVERSITY OF TORONTO LIBRARY
130 St. George Street
Toronto, Ontario

御批歷代通鑑輯覽
卷之二十一

秋八月加戶部尙書高耀清苑人太子少保。

初大內災宦官有密收龍涎香者至是帝索之急耀從

禁中購得八兩用聖壽建醮日獻之大稱旨賜銀幣尋

加太子少保耀初賄嚴世蕃蠲戶部尙書事在三十

貪穢著及世蕃敗知不爲公論所容乃要結爲固位計

九月三殿成

更奉天殿曰皇極華蓋殿曰中極謹身殿曰建極

冬十一月分遣御史求方書

帝晚年求方術益急陶仲文死乃命御史姜儆南昌人王

大任陝西保安人分行天下訪求方士及符籙祕書閱二年

還朝上所得法祕數千冊薦方士唐秩劉文彬等數人

獲桃幄後其為中官欺飾
形跡顯然嘉靖何以遽信
為天賜至兔鹿馴育苑囿
孽產尤屬常事乃輒目為
奇瑞至于告廟稱賀且誦
稱眷祐非常誕妄滋甚嘉
靖崇信左道惑溺已久較
之漢武尤為庸鄙爾時廷
臣亦從而附和之天寶祥
符紛紛夢感死後殆同一
轍耳

做大任俱擢侍講學士秩等賜第京師時嚴嵩既罷藍道行亦被譴宮中數見妖孽帝春秋高意邑邑不樂中官因設詐以娛之嘗夜坐庭中獲桃御幄以左右言自空中下帝喜曰天賜也修迎恩醮五日明日復獲一桃是夜白兔生二子帝益喜謝元告廟未幾壽鹿亦生二子廷臣表賀帝以奇祥三錫天眷非常手詔褒答事在四十三年

癸未 四十二年夏四月總兵官俞大猷副總兵戚繼光字元敬世

襲登州衛指揮僉事等擊倭于福建破之

自倭去柯梅注見前浙東江北漸寧而患盡移于福建倭

泉州之浯嶼掠同安惠安攻福寧寧德進圍福州經月不解蔓延興化奔突漳州迄無寧日浯嶼即金門在泉州府同安縣東南海中廣袤數十里同安五季閩縣

惠安宋縣今俱屬泉州府福寧元州今升府屬福建寧

德亦五季閩縣閩人在朝者爭劾胡宗憲嫁禍帝不問今屬福寧府

既而宗憲以罪被逮宗憲初因趙文華結歡嚴嵩父子文華死又因羅龍文以進賂及嵩

敗言官劾其黨嵩罪得旨逮問既至帝以平汪直功釋之後復坐交通龍文罪下獄瘐死倭尋陷興

化府焚掠一空移據平海衛明置今裁故城在興化府莆田縣東不去自

倭躡東南破州縣衛所以百數未有及府城者興化故

名郡最繁富既陷遠近震動詔急徵大猷充總兵官繼

光爲副合兵往討時劉顯自廣東赴援以兵少壁城下

不敢戰大猷至亦不欲攻俟大軍之集乃與顯別邀賊

于長樂唐縣今屬福州府殲之至是繼光以浙江兵來會繼光先破

倭于橫嶼還浙江橫嶼在寧德縣東南海中巡撫譚綸字子理宜黃人令繼光將中

軍顯左大猷右合攻賊于平海繼光先登左右軍繼之

斬級二千二百有奇還被掠者三千人倭遁去遂復興

化其侵犯他州縣者亦爲諸將所破聞患少熄倭起二十餘載

攻破城邑。殺傷官吏軍民不可勝紀。轉漕增餉。天下騷然。至是大創而去。其後繼光大猷復連敗之。東南始得安枕矣。

冬十月。錫林阿巴圖爾舊作把都兒。今改。後仿此。入寇。京師戒嚴。

虜數犯遼塞。總督楊選舊作通罕。今改。囚繫三衛長托干。令其

子更迭為質。托干。錫林阿妻父也。冀以牽制。錫林阿三

衛皆怨。至是。錫林阿巴圖爾等潰牆子嶺關名。在密雲縣北。入。

大掠順義三河。諸將趙溱孫贍戰死。京師戒嚴。詔諸路

兵入援。虜駐內地八日。大同總兵官姜應熊敗之于密

雲。乃退。詔誅選。初。寇之入也。帝方祠蠶。兵部尚書楊博

等入援。會帝見城東火光。知寇已逼。大驚。諭階議逐寇。而芳兵已先至。階請亟賞之。令專護京師。及寇退。帝怒

博不早聞。欲與楊選同論罪。階力為救解。乃誅選而不罪博。馬芳字德馨。蔚州人。

敵騎縱掠近甸。京邑戒嚴。楊博職任中樞。正宜急籌入告。以速靖寇。顧烽火遠徹。官中竟以禱釐嚴秘。致警報匿。不上聞其罪實。難復道。乃楊選既伏刑誅。

而博竟以救按獲免總由
廷臣懼怯一遇寇警必切
齒啟釁之人而袒護私交
雖玩敵亦視為常事刑政
愆矣若此國事安得不壞
邪

甲子四十二年春二月伊王典模厲王模六世孫有罪廢為庶人國除。

典模在國多不法常奪民舍以廣其宮索郎中陳大壯宅不與使人絕大壯飲食斃之築崇臺連城擬帝闕強取民間子女七百餘留其姝麗者餘令以金贖巡撫張永明烏程人等上言狀詔壞所造宮室歸民間女執羣小付有司典模不奉詔法司言典模無藩臣禮宜禁高牆除世封從之。

夏五月壬辰朔日食。

乙丑四十四年春三月袁煒以病免。

煒疾篤請假歸道卒。煒貴倨鮮渙故出徐階門直以氣凌階館閣士出門下者斥辱尤不

堪人皆畏而惡之。及卒。諡文榮。

嚴世蕃伏誅

世蕃論戍雷州。未至而返。

初。嵩歸至南昌。值萬壽節。使道士藍田玉為帝建醮鐵柱。

宮。田玉善召鶴。嵩取其符籙。并已祈。鶴文上之。因乞移世蕃近地。以便就養。詞甚哀。帝不許。而世蕃遽返。鐵柱宮在南昌城內。中有鐵柱。相傳許旌陽所鑄。以鎮蛟螭之害。明嘉靖後。改名妙濟萬壽宮。羅龍文

一詣戍所。即逃還徽州。數往來江西。與世蕃計事。世蕃

大治園亭。勢焰不少衰。其監工奴見袁州推官郭諫臣

長洲人。不為起。會南京御史林潤。字若雨。莆田人。按視江防。因與

諫臣謀。馳疏盡發其罪。

疏曰。臣巡視上江。備訪江洋羣盜。悉竄入逃軍羅龍文。嚴世蕃

家。龍文卜築深山。乘軒衣蟒。陰有不臣之心。而世蕃日夜與龍文誹謗時政。搖惑人心。近假名治第。招集勇士。至四十餘人。道路洶洶。咸謂變且不測。帝得疏。大怒。即詔潤逮捕。世蕃子紹庭。官

EAST ASIAN LIBRARY
UNIVERSITY OF TORONTO LIBRARY

世蕃傳
卷之二十一

六

錦衣聞命。急報世蕃。使詣戍所。方二日。潤已馳至。既至。世蕃猝不及赴。乃械以行。龍文亦捕得于梧州。

京。潤復劾嵩。世蕃罪甚具。且及寃殺楊繼盛。沈鍊狀。世蕃喜。謂其黨曰。無恐。獄且解。刑部尚書黃光昇

晉江人。

以獄詞白徐階。階曰。諸公欲生之乎。僉曰。必欲死之。階

曰。若是。適所以生之也。夫楊。沈之獄。嵩皆巧取上旨。今

顯及之。是彰上過也。必如是。諸君且不測。嚴公子騎欵

段出都門矣。爲手削其草。獨按羅龍文與汪直交通。賄

世蕃求官。世蕃用日考言。以南昌倉地有王氣。取以治

第。制擬王者。又結宗人與樸。陰伺非常。多聚亡命。南通

倭。北通虜。共相響應。卽日令光昇等疾書奏之。世蕃聞。

詫曰。死矣。遂棄市。籍其家。

黃金可三萬餘兩。白金三百餘萬兩。他珍寶服玩。所值又

簡擢出自廷推實為明代
弊政嘉靖獨以特旨遷除
似能矯正其失惜所授止
及侍直諸臣而郭樸高拱
仍由徐階薦得預機務究
無當于拔本塞源其後張
居正用事遂專任私意為
進退迄末流而枚卜亦悉
付廷推則更濁濫難制矣
蓋用人乃馭下大權太阿
豈宜旁落且命出于上即
所用未能盡當而失不過
一二人其患小若事出于
下無論推讓未必皆公縱

數百
萬
嵩及諸孫皆為民後二年嵩老病寄食墓舍以死

夏四月以吏部尚書嚴訥禮部尚書李春芳並兼武英殿

大學士預機務

袁煒去後徐階當國屢請增閣臣故有是命帝眷侍直諸臣厚凡

遷除皆出特旨春芳自學士至
柄政凡六遷未嘗一由廷推

冬十一月嚴訥罷

訥仍掌吏部晨理部事暮直西苑供奉青詞積勞成疾

遂罷歸

訥既歸里父母皆在晨夕備物孝養人以為榮訥嘗語人曰銓臣與輔臣必同心乃有濟吾乘

銓二年適華亭當國諸事無阻且所任選郎賢舉無失人華亭謂徐階選郎則陸光祖也陸光祖字與繩平

湖

丙寅四十五年春二月下戶部主事海瑞于獄

EAST ASIAN LIBRARY
UNIVERSITY OF TORONTO LIBRARY
130 St. George Street
Toronto, Ontario

所舉果盡得人而黨援倖
進之風將自此而啟其患
大命官立政顧可不審乎
公私輕重之間乎

御批歷代通鑑輯覽

卷之二十一

十

帝久不視朝專意齋醮。廷臣自楊最、楊爵得罪後，無敢

言者。至是，瑞獨上疏論之。畧曰：陛下卽位初年，敬一箴

未久而妄念率之，謬謂長生可得。一意修元，二十餘年。

不視朝政，法紀弛矣。推廣事例，名器濫矣。二王不相見。

人以爲薄于父子，以猜疑誹謗，戮辱臣下。人以爲薄于

君臣，樂西苑而不返。人以爲薄于夫婦，吏貪官橫，民不

聊生。水旱無時，盜賊滋熾。陛下試思今日天下爲何如

乎？古者人君有過，賴臣匡弼。今乃修齋建醮，相率進

香，仙桃天藥，同詞表賀，建宮築室，則將作竭力經營，購

無一人肯爲陛下言者，諛之甚也。自古聖賢垂訓，未聞

有所謂長生之說。陛下師事陶仲文，仲文則既死矣，彼

不長生而陛下何獨求之？誠一旦翻然悔悟，日御正朝，

與諸臣講求天下利病，洗數十年之積誤，使諸臣亦得

自洗數十年阿君之恥，天下何憂不治？萬

事何憂不理？此在陛下下一振作間而已。

帝得疏大怒，抵之地。顧左右趣執之，無使遁。宦官黃錦在側曰：聞此

人上疏時，市一棺，訣妻子，待罪于朝。童僕亦奔散無留

者。是不遁也。帝默然。少頃。復取讀之。爲感動太息。留中者數月。曰。此人可方比干。第朕非紂耳。會帝有煩懣疾。召徐階議內禪。因曰。海瑞言俱是。朕今病久。安能視事。又曰。朕不自謹惜。致此疾困。使朕能出御便殿。豈受此人詬詈耶。遂逮瑞下詔獄。論死。獄上。階力救。奏遂留中。三月。以吏部尙書郭樸兼武英殿大學士。禮部尙書高拱

字肅卿。新鄭人。

兼文淵閣大學士。並預機務。

樸。拱。皆由徐階薦。召入直廬。至是同入閣。

夏。四月。壬戌朔。日食。

六月。旱。

秋。七月。寇犯萬全右衛。總兵官馬芳擊敗之。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽

卷之二十一

宋

錫林阿十萬騎入西路。芳迎之馬蓮堡。堡圯。衆請塞之。不可。請登臺。亦不可。開堡四門。偃旗鼓。寂若無人。比暮。野燒燭天。囂呼達旦。芳卧。日中不起。敵騎窺者相屬。莫測所爲。明日。芳蹶然起。乘城指示衆曰。彼軍多反顧。且走。勒兵追擊。大破之。時寇屢犯東西諸塞。及冬。犯固原。崔世榮禦之。與其子大朝。大賓。俱力戰死。

冬十一月。帝有疾。

先是。帝以久病。忽欲南幸興都。即承天府。取藥。徐階力諫。乃

止。既而服方士王金等所獻丹藥。病遂甚。時方士至者

妄。無殊錫。金思所以動帝。乃偽造諸品仙方。與所製金石藥同進。其方詭秘。藥性燥。非服食所宜。帝御之。稍稍火發。不能愈。

十二月帝崩。

帝大漸。自西苑還大內。遂崩。徐階草遺詔。召用建言得罪諸臣。死者卹錄。方士付法。司論罪。一切齋醮工作。及政令不便者。悉罷之。詔下。朝野號慟感激。時高拱郭樸以階不與共謀。不樂。樸曰。徐公謗先帝。可斬也。兩人遂與階有隙。

裕王載坫卽位。

是爲穆宗。赦。

以明年爲隆慶元年。

釋海瑞于獄。

先是瑞在獄。猶未聞大行狀。提牢主事先知之。以瑞且見用。設酒饌款之。瑞自疑當赴西市。恣飲。瞰不顧。主事

EAST ASIAN LIBRARY
UNIVERSITY OF TORONTO LIBRARY
135 St. George Street

卷之二十一

因附耳語。宮車適晏駕。先生公即出。大用矣。瑞曰。信然乎。即大慟。盡嘔出所飲食。隕絕于地。終夜哭不絕聲。及是既釋。復故官。俄再遷大理丞。

穆宗皇帝

丁卯隆慶元年春正月。罷睿宗配享明堂。

禮部尙書高儀

字子象。錢塘人。

上言。先帝肇祀明堂。奉睿宗配

享。今陛下踐阼。睿宗已爲皇祖。若仍配享上帝。似非周

人宗祀文王之義。請罷大亨禮。從之。未幾。給事中王治

字本道。忻州人。

上言。獻皇帝雖爲天子父。實未嘗君臨天下。雖

爲武宗叔。嘗北面事武宗。今位武宗之右。揆諸古典。終

爲未協。臣以爲獻皇祔太廟。不免遞遷。若專祀世廟。則

億世不改。乞敕廷臣博議。疏入。報聞而已。

追尊母杜氏爲孝恪皇太后。

二月。立皇后陳氏。通州人。

以陳以勤。字遜甫。南平人。爲禮部尚書兼文淵閣大學士。張居正

字叔大。江陵人。爲吏部侍郎兼東閣大學士。並預機務。

以勤居正俱侍裕邸講讀。至是並參大政。時徐階以宿老居首輔。與

李春芳皆折節下士。居正最後入。獨引相體。倂見六卿。無所延納。間出一語。輒中旨。人以是嚴憚之。重于他相。

三月。葬永陵。

諡曰肅皇帝。廟號世宗。

明史贊曰。肅皇帝御極之初。力除一切弊政。天下翕然稱治。顧迭議大禮。輿論沸騰。倖臣假托。尋興大獄。夫天性至情。追尊立廟。禮亦宜之。然升祔太廟。而躋于武宗之上。不已過乎。若其時紛紜多故。將疲于邊。賊訐于內。

而崇尚道教。享祀弗經。營建繁興。府藏告匱。雖剪剔權奸。威柄在御。要亦中材以下之主也已。

夏四月。御經筵。

五月。夏鎮。

在徐州府沛縣東北。新河成。

初。嘉靖七年。河溢阻運。總河都御史盛應期。請于昭陽。

湖。有大小二湖相連。北屬山東滕縣。南屬江南沛縣。亦名山陽湖。東。別鑿新渠以通漕。

廷議從之。會應期罷。役中止。至四十四年。河大決。沛縣。

飛雲橋。

在縣南。為往來津要。

分為十數股。潰入昭陽。運道淤塞百。

餘里。督理河漕尚書朱衡。

字士南。萬安人。

循行應期舊迹。請開。

南陽。

鎮名。在兗州府魚臺縣東北。

留城。

在沛縣東南。即古留邑。漢張良封此。

上下。總河。

都御史潘季馴。

字時良。烏程人。

不可。衡言。是河直秦溝。

在徐州府銅山。

縣東。

有所束隘。伏秋黃水盛。昭陽受之。不為壑也。乃決。

計開濬身自督工。重懲不用命者。至是河成。西去舊河三十里。舊

河自留城以北。經穀亭而至南陽。新河亦自留城而北。經夏鎮而至南陽。與舊河合。謂之夏鎮河。凡百

四十里有奇。又引鮎魚諸泉。在滕縣。凡三十四泉。及薛河。在滕縣南。源出

寶峯山。匯諸泉而為淵。沙河。有二。俱在滕縣。在縣北者。西經薛山。因名薛河。曰北沙河。源出鄒縣。薛山

在縣南者。曰南沙河。即古鄒水。源出縣之述山。下流俱入運。注之。築馬家橋隄。在沛

遏黃水入秦溝。使不東侵。運道乃大通。方工未成。會河

復決。論者紛然。謂衡故興難成之役。以倖功。及工竣。羣

議乃息。未幾。山水驟溢。新河決。壞漕艘。給事中吳時來

不潰。宜分之以殺其勢。衡乃開支河四。洩其水入赤山

湖。吳時來以遺詔復故官。赤山湖。在滕縣西南。與微

高拱罷。

初徐階甚親拱及拱驟貴負氣頗忤階世宗疾亟拱方直西苑遽移具出

拱無子移家近直廬時竊出會世宗不豫誤傳非常拱遂移直廬器用于

其家為給事中胡應嘉沐陽人所劾拱疑出階指大憾之及

帝卽位階為首輔拱自以舊臣數與抗郭樸復助之因

事削應嘉籍

應嘉掌吏科佐部院考察以吏部尚書楊博庇鄉里劾之帝責其牴牾下閣臣議罰

樸奮然曰應嘉無人臣禮當編氓階

旁睨拱見拱方怒勉從之言路大譁給事中歐陽一敬

彭澤人等劾拱以私怨逐諫臣拱疏辯階擬旨慰留而

不甚譴言者拱益怒相與忿詆閣中御史齊康

永平人為

拱劾階坐黜于是論拱者無虛日拱不自安乞罷歸

六月霪雨傷稼

帝素服修省避殿御皇極門視事

秋七月遣使招撫山東河南流民給復五年

八月帝視國子監

九月諳達寇山西

諳達數犯山西

時邱富已死趙全在虜益用事尊諳達為帝治宮殿期日上棟忽大風棟墜傷

數人諳達懼不敢居全乃為諳達言大同兵弱亭障稀可以逞故屢入犯至是復率眾數萬

分道入井坪

在朔平府平魯縣南有城明成化中建置守禦所于此

朔州偏頭關

老營

堡名在寧武府偏關縣東亦成化中建

諸處邊將不能禦遂長驅破

石州

今汾州府永寧州本唐宋石州明因之不改隆慶後始更名永寧

殺知州王亮采

大掠孝義

後魏永安唐改名今縣屬汾州府

介休

漢界休晉改界為平介今縣屬汾州府

遙

漢平陶後魏更名今縣亦屬汾州府

文水

隋縣今屬太原府

交城

亦隋縣今屬太原府

谷

漢陽邑隋改名今縣屬太原府

隰州

注見前

間男女死者數萬而三衛

勾土默特。

注見前。

同時入寇薊鎮昌黎。

注見前。

撫寧。

注見前。

樂

亭。

金縣今屬永平府。

盧龍皆被蹂躪。遊騎至灤河。京師震動。三

日乃引去。諸將追之。敵出義院口。

在撫寧縣東北。有關。

會大霧。迷

失道。墮棒檣崖中。人馬枕藉。死者甚衆。

郭樸罷。

初言官劾高拱者多及樸。拱歸。樸亦求去。帝固留之。御

史龐尙鵬。

字可南。南海人。

凌儒。

泰州人。

等攻不止。遂乞歸。

樸家居二十年。

卒諡

文簡。

冬十月以王崇古

字學甫。蒲州人。

總督三邊。

時濟農據河套。為西陲諸部長別部賓都。

舊作賓土。今改。後仿此。

駐牧大小松山。

大松山在京州府平番縣東北。接蘭州界。小松山在其北。為邊陲要地。

南

擾河湟番族環四鎮延綏寧夏固原甘肅是為陝西四鎮皆寇乃擢崇古

兵部侍郎總督陝西延寧甘肅軍務

戊辰二年春正月杖給事中石星字拱辰東明人于廷黜為民

星上疏言陛下為鼇山之樂縱長夜之飲極聲色之娛

朝講久廢章奏遏抑一二內臣威福自恣肆無忌憚天

下將不可救帝大怒詔杖六十黜為民中官滕祥者以造作奇巧得幸

會監杖星大詬之祥怒于重杖星絕而復甦其妻鄭誤聞星已死遽觸柱死聞者哀之

二月命廷臣舉邊才

三月立子翊鈞帝第三子為皇太子即神宗

京師地震

夏五月以都督同知戚繼光鎮薊州

繼光與俞大猷均稱名將而繼光屢摧大寇

平浙閩倭又平江西

賊

名更出大猷上給事中吳時來以薊門多警請召大

猷繼光專訓邊卒部議獨用繼光乃命以都督同知總

理薊州平昌保定三鎮練兵事尋以薊州既有總兵官

又設總理事權不一乃召還總兵官郭琥而以繼光為

之鎮守薊州永平山海諸處繼光建敵臺千二百座臺

高五丈睥睨四達虛中為三層臺宿百人鑿仗糗糧具

備精堅雄壯二千里聲勢聯接又立車營每車一輛用

四人推輓戰則結方陣而馬步軍處其中製拒馬器遏

寇騎衝突寇至火器先發稍近則步軍持拒馬器排列

面前間以長鈴簀筦

兵器名以大毛竹為之簀二尺長一丈五六尺刃在具頂長一尺用

簀筦二尺長且一丈五
六尺而刃在具頂又長一

一八持之不久上疲二
八持之旋轉杆格必不適
用當時以為禦敵精器
直不值一噓且北方之強
勝南方之強人所易知者
勝北軍蓋繼光勦寇東南
不多舊部其奏請募調不
過廉頗思用趙人之意耳
而記載家左祖南人遂若
南人之果勝北人者以是
知言長有不取敗之理乎

為行伍藩籬。見戚繼光武藝篇。寇奔則騎兵逐北。又置輜重營隨其後。
而以南兵為選鋒。時邊卒木彊。律以軍法。多不堪用。繼光請募浙人為一軍。用倡勇敢。許之。
浙兵三千至。陳郊外。天大雨。自朝至日昃。八衛兵主策
植。立不敢動。邊卒大駭。自是始知軍令。
應。木衛兵專戍守。節制精明。器械犀利。薊門軍容。遂為
諸邊冠。

秋七月。徐階罷。

帝即位以來。階所持諍。多宮禁事。伸者十八九。中官多

側目。

帝欲命中官分督團營。階力陳不可而止。羣小璫毆御史于午門。都御史王庭將糾之。階曰。不得主

名。効何益。且慮彼先誣我。乃使人以好語誘大璫。先錄其主名。庭疏上。乃分別逮治有差。王庭字子正。南充

人。給事中張齊。

長安人。

前奉命犒軍宣大。納鹽商金。因疏

請恤邊商。革餘鹽。為階所格。至是。上疏攻階。階引疾求

退。帝意亦漸移。許之。

冬十月。遼王憲爚莊王致格子有罪。廢為庶人。國除。

憲爚在嘉靖時。以奉道被寵。賜真人號。至是。巡按御史

郅光山西長治人劾其淫虐僭擬諸罪狀。遣侍郎洪朝選字

臣同安人等往勘得實。免為庶人。國除。初。張居正家荊州。與

憲爚有隙。及朝選在勘。諷令坐以謀反。朝選不從。居正

怒。屬巡撫勞堪江西德化人羅織。朝選死獄中。

十一月。宣府總兵官馬芳襲寇于長水海子。即白海子。注見前。又

敗之。鞍子山。亦曰馬鞍山。在獨石口東北。

先是。或為錫林阿謀。以五萬騎犯蔚州。誘芳出。而以五

萬騎襲宣府。可得志。芳預伐木環城。寇不得上。乃解去。

頃之芳率參將劉潭等出獨石塞外襲其帳于長水海

子還至塞追者及鞍子山芳迎戰又大敗之

芳有膽智諾敵情所

至先士卒一歲數出帥搗巢或躬督戰或遣裨將家畜

健兒得其死力嘗命二十人出塞四百里冬所斬獲寇

大震芳乃帥師至大松林頓舊典和衛

登高四望耀兵而還與和衛注見前

已巳三年夏四月以海瑞為僉都御史巡撫應天諸府

瑞威望久著屬吏聞其至墨者多自免去中官監織造

者為減輿從有勢家朱丹其戶恐瑞見即黜之瑞銳意

興革請浚吳淞白茆通流入海民賴其利素疾大戶兼

并力摧豪彊撫窮弱下令飏發凌厲所司惴惴奉行富

家巨室或竄他郡以避其見憚如此

瑞撫吳甫半歲再為言路所論遂改

督南京糧儲小民聞瑞當去號泣載道家繪像祀之

秋八月。以禮部尙書趙貞吉兼文淵閣大學士。預機務。

初。帝幸太學。會祭酒胡杰論罷。貞吉以禮部侍郎攝事。

貞吉在嘉靖朝。由謫籍。屢擢戶部侍郎。罷歸。帝卽位。復起禮部。講大禹謨稱旨。命充日

講官。貞吉年踰六十。而議論侃直。進止有儀。帝深注意。

及是。遂以尙書參機務。貞吉入謝。奏言。朝綱邊務。一切

廢弛。臣欲捐軀任事。惟陛下主之。帝益大喜。

廣東海賊曾一本伏誅。

一本初。與大盜黃平聚衆數萬。剽掠惠潮間。與倭相掎

角。已而總兵官俞大猷以次殲倭。畧盡。平爲副將湯克

寬。邳州衛人。所敗。遠竄去。一本降而復叛。突犯雷州。執參將

繆印。又犯廣州。殺知縣劉師顏。尋復陷碣石衛。在惠州府海豐。

縣東南。明洪武中置。今裁。裨將周雲翔殺參將耿宗先叛附于賊。勢

益熾。時大猷已收鎮廣西。詔止勿赴。令與廣東福建總

兵官李錫。歙人。郭成。四川敘南衛人。同討一本。錫出海與大猷

遇。擊賊三戰皆捷。會成亦敗賊。執周雲翔。率參將王詔

等以師來會。分三哨進。一本駕大舟力戰。諸將連破之。

燬其舟。詔生擒一本及其妻。斬首七百餘。死水火者萬

計。時閩廣隨在皆盜。而一本最彊。既平。患漸息。

冬十一月。京師地震有聲。

十二月。命廠衛刺部院事。

帝以災異頻仍。由部院政事不平所致。令廠衛密訪以

聞。于是尙書毛愷。字達和。江山人。侍郎萬士和。字思節。宜興人。等皆自

劾求去。帝慰留。給事中舒化

字汝德臨川人

等上言。祖宗設廠

衛。令捕盜詰奸。非以察百官也。制馭百官。乃天子之權。而奏核諸司。責在臺諫。今陛下委之廠衛。廠衛必托之番校。此輩貪殘。恐開羅織之門。不可不慎。帝不從。已而事竟寢。

召高拱復入閣。兼掌吏部。

拱性彊直。自遂。頗快恩怨。及再入閣。盡反徐階所爲。凡先朝得罪諸臣。以遺詔錄用贈卹者。一切報罷。且言明倫大典。頒示已久。今褒顯議禮諸臣。將使獻皇在廟之靈。何以爲享。先帝在天之靈。何以爲心。而陛下歲時入廟。何以對越二聖。帝深然之。

時拱專與徐階修睦。所論皆欲以中階重其罪。會帝

仁柔弗之竟階子弟頗橫鄉里郡邑有司希拱指簿其子弟皆編戍盡奪其田所以扼階者無不至。

杖尙寶司丞鄭履淳

字叔初海鹽人尚書曉之子。

下獄。

履淳上疏極言時政

畧曰頃年以來萬民失業四方多故天鳴地震災害沄臻臣等當痛

哭流涕于殿庭陛下亦當卧薪嘗膽于宵旰今最急莫如用賢陛下御極三禩矣曾召問一大臣面質一講官賞納一諫士以共畫思患豫防之策乎高亢孤睽乾坤否隔忠言重折檻之罰儒臣虛納隔之功官闕違脫珥之規朝陛拂同舟之義闕寺潛爲厲階善類漸以短氣童牛羸豕無先事之圖社鼠城狐有難施之計患豈在明前車不遠伏願奮英斷以決大計勿爲小故之所淆衷濟哲以任君子勿爲嬖昵之所惑移美色珍奇之玩而保瘡痍分昭陽細務之勤以和庶政萬幾之裁理漸熟人才之邪正自知察變謹微回天開泰計無踰此。

疏入帝大怒杖之百繫刑部獄數月刑科舒化等以爲

言乃釋爲民

履淳父曉通經術明習國家典故爲都御史禦倭有功遷刑部尚書與嚴嵩不合罷

歸卒嵩敗履淳訟于朝帝卽位曉贈官賜諡至神宗初履淳復起光祿少卿尋卒。

庚午四年春正月己巳朔日食罷元會。

是月月復食給事中陳吾德

字懋修歸善人

疏言歲首日月並

食天之大災陛下宜屏斥一切玩好應天以實報聞。

五月罷京營總督分設三大將領之。

趙貞吉言先朝禁軍列三大營營各有帥今以一人總

三營權重難制因極論其弊請分五營各統以大將稍

復祖宗之舊帝善之令兵部會廷臣議尚書霍冀與貞

吉不協不然其言廷臣亦多言彊兵在擇將不在變法

冀等乃上議三大營宜如故惟以一人爲總督權太重

宜三營各設一大將而罷總督以文臣爲總理報可。

未幾

復置總督協理大臣貞吉不能爭。

夏四月。京師地震。

秋七月。禁章奏浮詞。

高拱言。比來章奏鋪綴連牘。言多意晦。端緒難尋。反可竄匿名實。請嚴加禁約。從之。

陳以勤罷。

初。以勤入閣。徐階爲首輔。而高拱方嚮用。朝士各有所附。交相攻。以勤中正無所比。及拱再入。與趙貞吉相軋。張居正復中搆之。以勤與拱舊僚。貞吉其鄉人。而居正則所舉士也。度不能解。引疾乞休去。以勤歸六年卒。贈太保。諡文端。

八月。宣大告警。敕備邊。

時李春芳雖爲首輔。而政皆自高拱出。邊警猝至。拱請

命侍郎曹邦輔

邦輔于帝即位初起謫籍屢進兵部侍郎

王遴

字繼津霸州人

督師

列陳以待以都御史栗永祿守昌平護陵寢起劉燾于

天津守通州儲命總督王崇古譚綸王進勦機宜戴才

理糧餉邊境得無事

拱練習政事有才畧凡所建白多可行然居位頗專橫其門生韓楫

輩並居言路日夜奔走其門專務搏擊尙寶卿劉奮庸

上疏陰斥之給事中曹大埜劾拱不忠十事皆謫外

韓楫蒲州人劉奮庸洛陽人曹大埜巴縣人

罷戶部尙書劉體乾

字子元東安人

時內供寢多數下戶部取太倉銀又趣市珍珠黃綠玉

諸物體乾屢疏爭積忤帝意遂罷

先是御史詹仰庇諫市珠寶言寶石珠璣

多藏中貴家何必求之于外不報已而仰庇巡視十庫疏請嚴覈內官監出納歲數并節省

疏中有再照人主語內官摘出激帝怒以爲大不敬杖之百斤爲民并罷科道之巡視庫藏者至是給事中陳

吾德李已。復上疏言。比買玉市珠。傳帖數下。人情惶惑。謂內官崔敏等。獻詔營私。罪不可宥。乞卽斥譴。以清左右。帝震怒。杖已百。錮刑部獄。斥吾德爲民。三久之始得釋。詹仰庇。字汝欽。安溪人。李已。字子復。磁州人。

九月河決邳州

初。新河旣成。南北諸支河。悉併流秦溝。河勢益大漲。三年七月。決沛縣。漕艘不得進。至是。復決邳州。自睢寧白

浪淺。至宿遷小河口。淤百八十里。漕道復阻。河道侍郎

龔大立

字傳參。餘姚人。

言。邇來河患。不在豐沛。而在徐邳。臣以

爲權宜之計。在棄故道而就新衝。經久之策。在開泇河

有東西二泇。東泇出沂州府西北箕山。西泇出嶧縣東

北抱犢山。東南流至三合村。與東泇合。又南入泗。謂之

泇。以避洪水。帝命大立躬自相度。條利害以聞。已而大

漕。創籍。復以朱衡經理河道。遂罷泇河議。專事徐邳。築

黃隄。正河安流。運道復通。事在六年正月。

以李成梁字汝器。世鐵嶺衛指揮僉事。為遼東總兵官。

錫林阿入遼東。總兵王治道戰死。擢成梁署都督僉事代之。時諳達諸部。屢窺塞下。十年間。大將死者數人。成梁乃大修戎備。甄拔將校。收召健兒。給以厚餼。用為選鋒。軍聲始振。

冬十月。諳達孫巴噶奈濟舊作把漢那吉。今改。後仿此。內附。詔授指揮使。尋遣歸。

巴噶奈濟者。諳達第三子塔本台吉舊作鐵背台吉。今改。之子也。

幼孤。育于諳達妻伊克哈敦舊作一克哈屯。今改。所。既長。娶必濟。

舊作比吉。今改。不相得。復自聘鄂爾多斯舊作禰兒都司。今改。女。號二娘。

子。卽諳達外孫女也。諳達見其美。奪之。巴噶恚。率其屬

十餘人來歸。大同巡撫方逢時。

字行之。嘉魚人。

告總督王崇古。

崇古于四年正月。改督山西宣大。

曰。機不可失也。率五百騎往受之。崇

古上言。巴噶來歸。非擁衆內附者可比。宜給官爵。豐館

餼。飾輿馬。以示諳達。諳達急。則令縛送。拜牲諸叛人。不

聽。卽脅誅巴噶。牽沮之。又不然。因而撫納之。如漢置屬

國。居烏桓故事。使招其故部。徙近塞。諳達老且死。黃台

吉立。則令巴噶還。以其衆與台吉抗。我按兵助之。此誠

安邊之良策也。奏至。朝議紛然。高拱。張居正。力主崇古

議。詔授巴噶指揮使。諳達方西掠土番。聞之。急引還。約

諸部入寇。崇古檄諸道嚴兵禦之。敵不得利。伊克哈敦

思其孫。日夜哭。諳達患之。使來請命。逢時遣譯者鮑崇

德往。令縛送拜姓諸叛人。以易巴噶。崇德入其營。諳達

朝廷待而孫甚厚。今稱兵。是速其死也。諳達疑巴噶已

死。聞言心動。使使謂之。崇德因說之曰。趙全等旦至。巴噶夕歸。諳

達因屏人語曰。我不為亂。亂由全等。天子若封我為王。

長。北方諸部孰敢為患。即死。吾孫當襲封。彼衣食中國。

忍背德乎。遂遣使致書。逢時而全方德恩用兵。諳達又

惑之。全嘗投書。逢時欲歸中國。逢時以示諳達。始有執

全意。錫林阿奄至大同。逢時以巴噶箭示之。錫林阿執

箭泣曰。此吾弟塔本台吉故物也。我來求巴噶。巴噶

噶既受官。當更計之。會諳達召錫林阿還。乃引去。諳達

遂遣使與崇德。令封諳達。趙全等九人來獻。

詔磔于市。崇古亦以帝命。遣巴噶歸。

十一月。趙貞吉罷。

高拱掌吏部。貞吉亦掌都察院。拱以私憾考察科道。欲

高拱趙貞吉同任閣臣正
直和裏集事况考察為難

陟大典尤當虛公稽核求
協輿評乃謀逐私人互相
排制祇以朋黨為心不復
顧國家政體豈大臣所宜
出此且使拱快心貶斥貞
吉果公正無瑕何不早為
糾許顧始而相持求解比
拱嗾人劾奏方以其壞亂
選法為言力圖報復拱固
專橫貞吉亦豈能免于營
私巧宦哉

去貞吉所厚者。貞吉亦持拱所厚以解。于是斥者二十
七人。而拱所惡者咸與。拱猶以為憾。喉門生給事中韓
楫。劾貞吉庸橫。貞吉疏辯。言臣掌風憲。目睹拱壞亂選
法。噤口不能一言。有負任使。真庸臣也。若拱者。斯可謂
橫也已。臣放歸之後。幸仍還拱內閣。毋令久專吏部權。
廣樹眾黨。疏入。帝竟允貞吉去。而拱掌吏部如故。貞吉
好剛
使氣動與物件。人多怨之。歸
十餘年卒。贈少保。諡文肅。

以禮部尚書殷士儋字正甫。歷城人。兼文淵閣大學士。預機務。

士儋本裕邸舊僚。高拱惡其不親已。不為援。士儋遂藉

太監陳洪力。取中旨入閣。

辛未五年春。二月。命廷臣及朝覲官謁皇太子于文華左門。

封皇子翊鏐

帝第四子

爲潞王

後之藩衛輝

三月封諂達爲順義王

巴噶柰濟旣歸。諂達及其妻撫之泣。遣使報謝。誓不犯大同。王崇古上言。朝廷許諂達封貢。諸邊有數年之安。可乘時修備。設敵背盟。吾以數年蓄養之力。從事戰守。愈于終歲奔命。自救不暇者矣。復條封貢八事以請。詔下廷臣議。議各不同。會帝御經筵。閣臣面請外示羈縻。內修守備。乃封諂達順義王。各所居城曰歸化。昆都埒赫。卽老巴噶。諂達弟。舊作昆都力。今改。錫林阿等。皆授都督同知等官。有差。封巴噶柰濟昭勇將軍。指揮如故。已而套部濟農亦如約請命。詔授官如昆都埒赫。由是西塞諸部歲來貢。

市自官大至甘肅邊陲晏然不用兵革者二十餘載

夏五月李春芳罷

初春芳代徐階爲首輔務以安靜稱帝意同列陳以勤故端謹張居正恃才凌物視春芳蔑如也方階罷春芳歎曰徐公尚爾我安能久容旦夕乞身耳居正遽曰如此庶保令名春芳愕然三疏乞休不允旣而趙貞吉入代以勤剛而負氣及高拱再入直凌春芳出其上春芳不能與爭自飭而已會拱逐貞吉勢益張修階故怨春芳常從容爲階解拱益不悅言官希拱意疏詆春芳乃罷歸後數年卒

六月京師地震

冬十月河南山東水

十一月殷士儋罷

御史趙應龍

涇陽人

劾士儋進由內侍不堪大任給事中

韓楫復揚言脅之士儋遂乞休去

士儋家居十餘年卒謚文通久之收謚文

莊

壬申六年春閏三月帝有疾

帝御皇極門疾作遽還宮

夏四月以禮部尚書高儀兼文淵閣大學士預機務

初儀掌禮部秉禮循法居職甚稱爲言路所劾遂引疾

歸已用高拱薦以故官侍東宮講讀掌詹事府及是遂

入閣

五月帝崩。

帝疾稍平。將視朝。登陞忽眩。幾仆。亟召高拱。張居正。至。帝執拱手。歎語備至。居正在旁。帝弗顧也。帝令拱扶掖還宮。尋命宿乾清門。拱與居正同止焉。未幾。帝大漸。召拱。居正。及高儀。同受顧命。遂崩。

六月乙卯朔日食。

太子翊鈞卽位。

是爲神宗。赦。

以明年爲萬歷元年。

詔祀建文朝盡節諸臣于鄉。有苗裔者卹錄。

罷中極殿大學士高拱。

始拱與張居正友善。既而內離。猜防日甚。中人馮保。深

人。次當掌司禮監。拱薦陳洪及孟冲。保以是怨拱。而居

正與保深相結。

穆宗疾再作。居正處分十餘事。使小吏

居正曰。密封謂何。天下事不以屬我曹。而屬之內豎何也。居正面發赤。乾笑而已。穆宗崩。保矯

遺詔與閣臣同受顧命。及帝登極。保升立御座旁不下。

舉朝大駭。保遂掌司禮監。又督東廠。總兼內外。勢益張。

拱以主上幼冲。懲中官專政。疏請詔司禮權。又屬言官

合疏攻保。而已從中擬旨逐之。使人報居正。居正陽諾

之。而私以語保。保訴于太后。謂拱擅權不可容。太后領

之。明日召羣臣入。宣兩宮及帝詔。拱意必逐保也。急趨

入。比宣詔。則數拱罪而逐之。拱伏地不能起。居正掖之

出。拱急僦驪車出宣武門。居正乃與高儀請留拱。弗許。

請得乘傳許之。拱既去，居正遂爲首輔。

高儀卒。諡文端。

儀性簡靜，寡嗜好。入閣兩月卒，貧無以殮。

以禮部尚書呂調陽

字和卿，廣西臨桂人。

兼文淵閣大學士，預機務。

高儀既卒，張居正以調陽弱，薦代之。居正專決，調陽不敢有所持諍，然內不甚附之。

秋七月，尊皇后爲仁聖皇太后，貴妃李氏

潯縣人，爲慈聖帝生母。

皇太后。

舊制，天子立，尊皇后爲皇太后。若有生母，稱太后者，則加徽號以別之。馮保欲媚帝生母李貴妃，風張居正以並尊，居正不能違也。慈聖移居乾清宮，撫視帝，內任保。

而大柄悉以委居正焉。

帝御文華殿講讀。

張居正請定三六九日視朝。餘日御文華殿講讀。

九月葬昭陵。

在昌平州大峪山東北。

明史贊曰。穆宗端拱寡營。許諂達封貢。邊陲寧謐。繼體守文。可稱令主矣。第柄臣相軋。門戶漸開。而帝未能振肅乾綱。矯除積習。蓋亦寬恕有餘。而剛明不足者歟。

冬十月彗星見東北方。

至二年四月乃滅。

十二月以宋儒羅從彥李侗從祀孔廟。

神宗皇帝

癸酉萬歷元年春正月男子王大臣入乾清宮尋伏誅。

大臣京師傭奴。僞爲內侍服。入乾清宮。被獲。下東廠。馮

保欲緣此以陷高拱。令家人飲食之。納刃其袖中。俾言

拱怨望。與太監陳洪拱先薦洪掌司禮。故保怨之。謀大逆。遂發緹騎

馳械高氏奴。圍拱里第。張居正亦請詰主使。舉朝洶洶。

謂且逮拱。吏部尚書楊博左都御史葛守禮字與立。諱德平人。詣

居正力解。居正奏緩其獄。博陰囑錦衣。怵大臣吐實。又

以拱僕雜稠人中。令大臣識別。茫然莫辨也。會帝命守

禮偕都督朱希孝成國公朱能五世孫。會訊。大臣疾呼曰。許我富

貴。乃撈掠我邪。且我何處識高閣老。希孝不敢鞫而罷。

保懼。以生漆酒瘖大臣。移付法司。坐斬拱得白。

二月。御經筵。

御批歷代通鑑輯覽 卷之二十一
三月詔舉將才。

張居正進講。因言。今承平日久。武備廢弛。文吏箝制弁員。不啻奴隸。平日不能養其鋒銳。臨敵何以責其折衝。嗣後將帥忠勇可任者。宜假以事權。俾得展布。故有是命。

秋九月。以方逢時總督宣大軍務。

始逢時與王崇古共決貢市之議。及崇古入理京營。居正薦逢時代之。至則申明約信。邊境以安。

四川都掌蠻

注見前。平。

成化初。都掌蠻亂。尚書程信。襄城伯李瑾討平之。

事具前。

隆慶末。復亂。其酋阿太阿二。方三等據九絲山。

在敘州府興文。

縣東南上有僭稱王剽遠近其山修廣而四隅峭仄九

城為蠻巢穴紀要九絲山周圍三十餘里上有九崗四九

水極廣可以播種下惟一徑鳥道可通東北則雞冠

嶺上有都都寨九絲左臂為凌霄峯最高險有城鼎峙相

連峻壁皆數千仞有阿苟者居凌霄城為賊耳目威儀

出入如王者巡撫會省吾鍾祥人屬總兵官劉顯以軍事

顯被劾當罷又起故將郭成為之副成亦被劾督軍往

討至是諸軍集敘州誘執阿苟拔凌霄鑿灘通餉進逼

都都寨克之斬賊黨阿墨于是顯分兵為五哨盡壁九

絲城下乘夜賊無備腰絙而上斬關入賊驚潰郭成復

破雞冠三酋阿大阿二阿三以次就擒凡克寨六十餘獲賊魁

三十六拓地四百餘里蠻寨既平得銅鼓九十三銅鐵

上可易千牛。次者七八百。得鼓二三。便可稱王。鼓山巔。羣蠻畢集。今已矣。鍋狀如鼎。大可函牛。刻畫有文彩。相傳諸葛亮以鼓鎮蠻。鼓失。則蠻運終矣。

冬十一月立章奏考成法。

初諸司章奏。部院覆行撫按勘者。常稽不報。張居正請以大小緩急為限。立文簿。月終註銷。閣科部院遞相糾舉。誤者抵罪。自是政體為肅。

十二月朵顏察克圖

舊作朵顏長禿。今改。後仿此。

犯塞。總兵官戚繼光

擊之。

自諸達款塞。西鄙烽火寂然。獨土默特徙居察罕地。今

哈爾明時曰察罕。在遼東口外。

本朝移其部。衆于宣大近地。分為八旗。設佐領等官管轄。

控弦十

餘萬。常為薊門憂。泰寧朵顏諸部。皆與交通。時叛特服。

明自中葉已後堂廉略隔
首度日曠張居正奏請具
議皇極一見史冊修為盛
事顧其舉之也特循考察
之虛文一獎賞遂已畢事
上無疇咨之意下鮮敷奏
之言則所謂廉能課最者
率出諸司竿牘私人于述
職之義庸有當乎

是年春朵顏部長董呼哩

舊作董孤狸

及兄子長安

舊作長昂今並

改後仿此

入犯喜峯口繼光擊敗之呼哩乃欵關請貢至是

呼哩之弟察克圖復入寇繼光擒之于是呼哩長安率

部長親族三百人叩關請死乞赦察克圖繼光遣將受

降皆羅拜獻還所掠人攢刀設誓乃釋察克圖許通貢

如故

繼光在鎮十六年邊備修飭薊門守甚固敵無由入盡轉而之遼故李成梁獨擅戰功

甲戌

二年春正月召見朝覲廉能官于皇極門

太祖時外官奏事輒召見賜食訪民間疾苦佐貳雜職

有廉能愛民者常特遣行人齎勅獎賚宣順成弘朝亦

間行之張居正以考察屆期倣舊典具儀以上帝乃召

見浙江布政使謝鵬舉

蒲圻人

等二十人特加獎勵並賜

銀幣。

夏四月。詔內外官行久任法。

吏部尚書張瀚

字子文。仁和人。

請諸司久任。張居正善而行之。

由是藩臬守令皆得自展。

秋七月。淫雨。昭陵地陷。

八月。淮揚徐河海並溢。

冬十月。決囚。

嘉靖季年。崇奉元修。又好祥瑞。遇事輒停刑。至是。審錄重囚。至四百餘人。張居正言縱釋有罪。無以懲惡。請如祖宗舊制。每歲一決囚。從之。時承平久。羣盜蝟起。至入城市。剗府庫。有司恒諱之。居正嚴其禁。匿弗舉者。雖循

吏必黜。得盜卽斬決。有司莫敢飾情。盜賊爲衰止。

乙亥三年春正月。徙遼東六堡。

遼陽鎮東二百餘里。舊有六堡。其地不毛。與遼陽聲援

不接。李成梁請移建孤山堡于章齊喀喇。

舊作張其甸。哈刺今改。

在遼陽東南。險山堡于寬甸。

亦在遼陽東南。

沿江新安等四堡

于長甸。長嶺。

俱在寬甸南。

諸處仍以孤山險山二叅將戍之。

其地並據膏腴。扼要害。可拓境七八百里。益收耕牧之

利。廷議從之。

二月。始命日講官記注起居。

太祖初。設起居注給事中。尋罷。至是。始命日講官分直。

記注起居。纂輯章奏。臨朝侍班。

時編修張位以前代皆有起居注。而本朝獨無。

乃上言。臣備員纂修。竊見先朝政事。自非出于詔令。形諸章疏。悉湮沒無考。鴻猷茂烈。鬱而未章。徒使野史流傳。用偽亂真。今史官充位。無以自効。宜日分數人入直。凡詔旨起居。朝端政務。皆據見聞書之。爲他年實錄之助。張居正善其議。遂有是命。張位。字明臣。新建人。

夏四月己巳朔日食既。

秋八月以張四維

字子維。蒲州人。

爲禮部尚書兼東閣大學士預

機務。

張居正當國。四維歲時饋問。居正不絕。居正請增置閣臣。引薦四維。遂入贊機務故事。入內閣者曰同某人等辦事。至是直曰。隨元輔居正等辦事。于是四維恂恂若屬吏然。不敢以僚自處。隨居正後拜。賜進官而已。

河決陽山。

江浙頻歲水潦為災。是年五月，淮揚又大水。詔察二府

有司貪酷老疾者罷之。至是，河決碭山而北，淮決高家

堰。注見前。而東，高郵湖在高郵州西北。天長以東之水皆匯此。達于運河。亦決清

水潭口。在高郵州北三十里。淮城幾沒。徐邳山陽南北漂蕩千里。

河道淤淺，阻漕者數年。孝宗初，漕臣白昂以運舟經甓社湖，觸岸輒壞，乃開複河于高

郵隄東，以避其險。長四十里，名曰康濟。至是，湖水決，漕臣吳桂芳改挑康濟，越河修復老隄，河成，名曰宏濟。遂

為永利。覺社湖與高郵湖相連，亦名珠湖。宋孫覺于湖上見大珠光燭天，因名。吳桂芳字子實，新建人。

九月，禮部尚書萬士和罷。

士和初官庶吉士，以忤嚴嵩，改部曹，累任按察布政使。

並著清節。及官尚書，多所條奏。時張居正欲越例贈朱

希忠王爵，馮保為方士求官，士和俱力持不可。又給事

中余懋學

字行之婺源人

以言事得罪

懋學請行寬大之政而居正方務綜覈以為風

已遂斥為民及

士和言直臣不當斥由是積忤居正給

事中朱南雍

浙江山陰人

承風劾之

遂謝病歸

後居正歿屢召不起卒諡

文恭

地震冬十月再震

丙子四年春正月下巡按遼東御史劉臺

字子畏安福人

于獄除名

為民

時御史在外每凌巡撫張居正欲痛抑之事小不合詰

責隨下又飭其長加考察以故言路多不平會臺奏遼

東大捷居正以巡按不得報軍功劾臺違制妄奏引故

事繩督之臺遂抗章劾居正專擅威福如逐大學士高

拱私贈成國公朱希忠王爵。引用張瀚。先是吏部尚書楊博罷。廷推葛

守禮。朱衡及瀚。瀚資望最淺。居正惡守禮。慙厭衡驕。乃拔用瀚。張四維為黨。斥逐言官。

余懋學。傅應禎。應禎疏陳重君德。蘇民困。開言路。三事。居正以疏中有王安石誤宋之語。怒其

侵已。調旨切責。下獄杖戍。未幾召還。等罔上行私。橫黷無厭。

居正怒甚。具疏辭政。入見帝言。言者謂臣擅威福。而臣

所行。正威福也。將巽順以悅下耶。則誤國。將竭忠以事

上邪。無以逃專擅之譏。因俯伏泣。不肯起。帝為下御座。

以手掖居正曰。先生起。吾逮臺竟其事。遂下臺詔獄。命

廷杖百。遠戍之。居正陽具疏救。乃除名為民。久之。復用

他事戍潯州。臺按遼東時。與巡撫張學顏不相得。至是學顏為戶部。誣臺私贖餒。居正屬御史于

應昌。巡按遼東。覈之。而令王宗載巡撫江西。廉臺里中事。應昌載宗希居正意。實其事以聞。張學顏字子愚。

肥鄉人。未幾。飲于戍主所。歸而暴卒。

後御史江東之。訟臺冤。詔復官。天啟初。追

諡毅思。江東之。字長信。歙人。

二月。開草灣河。

注見前。

督漕侍郎吳桂芳上言。淮揚洪潦奔衝。緣海汙港久湮。

入海止雲梯關。

在山陽縣東北二百里。大河北岸。

一徑致海。擁橫沙。河

流汎濫而鹽。

鹽城。安。

安東。

高。

高郵。注。

寶。

寶應。唐縣。今。

屬揚州府。屢

成巨浸。國家轉運。惟知急漕。而不暇急民。故朝廷設官。

亦主治河。而不知治海。今黃河衝決。駸駸欲奪安東以

入海。請于草灣低窪之地。挑新口。以迎大溜。安東衆流

滙圍。其勢垂陷。不如委之以拯全淮。廷議安東未可棄。

而命開草灣。閱七月工竣。水患稍平。

其後通塞不時。至十七年。大河復由

此分流奪正流十分之七凡六十里至安東南赤宴廟仍合正河。

夏五月。命司禮太監馮保同法司錄囚。

秋七月。詔戶部明年漕糧折收十之三。

從張居正請也。

先是漕舟以河決不時至已而漕運通。居正以歲賦逾春發水橫溢非決卽涸。

乃采漕臣議督艘卒以孟冬兌運及歲初畢發少罹水患行之久太倉粟充盈可支十年。

八月帝視國子監。

河決崔鎮。

在桃源縣西北。

是年二月以後江北旱河水斷流至是徐豐沛睢寧金

鄉魚臺單曹八州縣河又大決田廬漂沒無算河流齧

宿遷城吳桂芳請遷縣治築土城以避之明年復決而

北清口淤墊全淮南徙瀾漫山陽高寶間會河向桃源

元置桃園縣。明曰桃三義鎮。在縣東。舊名三汊鎮。入老黃河故道。

明史河渠志。黃河自桃源三義鎮。歷清河縣北。至大河口。會淮入海。是為老黃河。至嘉靖初。三義鎮口淤。而黃河改趨清河縣南。與淮會。于是大河故道遂廢。淮水乘虛入清口。老黃河復塞。

五年春二月。廣東羅旁叛。獠今廣東羅定州。明為瀧水縣。屬德慶州。其南有廢瀧水鎮。舊為羅旁地。平。人盤據于此。

羅旁在德慶州上下江界。

上江謂西江。下江謂南江。西江即鬱水。南江即瀧水也。鬱

水。注見前。瀧水。在羅定州西。飛瀑驚湍。最為險阨。

東西兩山間。

東山在肇慶府封川縣東。西山

在羅定州東安縣西南。

延袤七百里。成化中。韓雍經略西山。頗安

輯。惟東山獠深箐剽掠。有司歲發卒戍守。兩廣總督殷

正茂

字養實。欽人。

建議大征。會遷去。侍郎凌雲翼

字洋山。太倉州人。

代至是雲翼乃大集兵令總兵官張元勳字世臣浙江太平人李

錫將之四閱月克巢五百六十俘斬招降四萬二千八

百有奇鄰境猺獞皆懼求撫雲翼奏改瀧水縣為羅定

州

又設東安西寧二縣

設監司叅將積患頓平

先是殷正茂令總兵官俞大猷討平

廣西古田獞韋銀豹等改古田為永寧州及是雲翼既平羅旁復勦捕諸山賊之不靖者由是嶺表畧定

夏四月兵部尚書譚綸卒

諡襄敏

綸沉毅知兵初守台州禦倭有功累擢巡撫朝廷倚以

辦賊遇警輒調居官無寧歲

先撫福建繼撫四川進撫兩廣前後積首功二萬一

千有奇後督師薊遼集兵三萬更徵浙兵三千專屬戚繼

光訓練相度邊隘衝緩道里遠近分薊鎮為十二路路

置一將互為掎角邊備大飭敵不敢入犯帝卽位初進

兵部尚書三疏乞歸不允至是卒

綸始終兵事垂三十年與戚繼光共事齊

名稱譚戚

秋閏八月乙酉朔日食不見

九月張居正以父喪起復冬十月杖編修吳中行

字子道武進人

等謫戍有差

居正父卒帝與兩宮遣中使慰問絡繹道路然未嘗有

意留之而居正自以握權久恐一旦去他人且謀已會

戶部侍郎李幼孜

應城人

欲媚居正首倡奪情議馮保亦

不欲居正去中旨令吏部尚書張瀚諭留居正居正乃

陽上書請守制而陰以牘風瀚覆旨瀚謬為不喻謂政

府奔喪宜予殊典禮部事也何關吏部居正復令客說

張居正久握朝綱恐人圖已遂爾自謀起復貪權戀位之私實不能以自解至吳中行等抗詞極論雖不無過激亦何至紛紛杖謫多人大臣欲以強悍立威逞行罔忌實為弁髦國紀神宗竟爾任其施為雖童昏不應若是至居正索刀刎頸更行同無賴可鄙益甚矣

之不為動乃傳旨責瀚久不奉詔無人臣禮勒致仕先

附居正得掌吏部見非于世于是請留者相繼編修吳

中行檢討趙用賢字汝師上疏爭之已而員外郎艾穆

字和父主事沈思考字純父亦合疏言居正貪位忘親

居正大怒謀于馮保欲廷杖之學士王錫爵字元馭等

求解于居正不得錫爵獨造喪次切言之居正勃率下

徑人侍講于慎行字無垢田一儻字德萬張位趙志臯

字汝邁修撰習孔教廬陵人沈懋學字君典皆疏救格不

入遂杖中行等四人謫戍進士鄒元標字爾瞻復上疏

爭亦坐杖戍南京御史朱鴻模字文甫馳疏救中行等

五人并斥為民于是錫爵慎行一儻懋學先後移病歸

詔遣居正子編修嗣修與司禮太監魏朝馳傳往代司喪禮部主事唐誥治祭工部主事徐應聘治喪居正請無造朝以青衣素服角帶入閣治事許之

彗星見

從東南方起長亘天人情洶洶指目張居正至懸謗書通衢帝詔諭羣臣再及者誅無赦謗乃已

兵部尚書王崇古罷

初諳達諸部嘗越甘肅境掠西番既通款其從孫徹辰

台吉

舊作切盡台吉今改後仿此

連歲盜番不得志求諳達西援崇

古每作書止之是年諳達請赴青海迎佛崇古上言西行非諳達意且以迎佛爲名不可沮宜飭邊鎮嚴守備而陰洩其謀于番族以示恩給事中劉鉉

鄱陽人

尹瑾

東莞

人等交章劾崇古弛防徇敵崇古奏辯因乞休去崇古身歷

七鎮勲著邊陲封貢之初廷議紛駁有為危言以撼帝者閣臣力持之乃得成功自順義歸款後二十年崇古乃歿諡襄毅

十一月考察百官

張居正自奪情後知天下不與已思以威權劫之時因

星變考察百官趙志皇張位習孔教相繼遷謫南京僉

都御史張岳字汝宗餘姚人請令居正奔喪坐考察自陳貶秩

禮部尚書何維栢維栢于嘉靖時以劾嚴嵩得罪隆慶初復官累遷尚書亦以自

陳免先是奪情議起張瀚叩維栢維栢曰天經地義何可廢也瀚從之居正怒奪維栢俸因追論羅倫議

李賢奪情斥為小豎子聞者莫不誅之

戊寅六年春二月以潘季馴總理河漕

先是總河傅希摯

衡水人。

欲塞決口。吳桂芳主開老黃河

故道。議未決。有言宜多濬海口。以分水勢者。會桂芳卒。

以季馴代之。季馴相度水勢。

言海口自雲梯關四十里。深三四丈。欲別議開鑿。必須深濶相類。方可注放。工力甚難。且未至海口。乾地猶可施工。其將入海之地。潮汐往來。與舊口等耳。舊口皆係積沙。人力雖不可濬。水力自能衝刷。海無可濬之理。惟當導河歸海。則以水治水。即濬海之策也。河亦非可以人力導。惟當繕治隄防。俾無旁決。則水由地中。沙隨水去。即導河之策也。頻年以來。日以繕隄爲事。顧卑薄而不能支。迫近而不能容。雜以浮沙而不能久。是以河決崔鎮。水多北潰。爲無隄也。淮決高家堰。黃浦口水多東潰。隄弗固也。不咎制之未備。而咎築隄爲下策。豈通論哉。上流既旁潰。又岐下流而分之。其趨雲梯入海口者。譬猶强弩之末耳。小勢益分。則力益弱。安能導積沙以注海。故今日濬海急務。必先塞決以導河。尤當固隄以杜決。而欲隄之不決。必真土而勿雜浮沙。高厚而勿惜鉅費。讓遠而勿與爭地。則隄乃可固也。沿河隄固。而崔鎮口塞。則淮不旁決。而會黃力專。淮力專。高家堰築。朱家口塞。則淮不旁決。而會黃力專。淮

果淤墊足慮則河流久應
梗塞不通而注壑循塗未
聞少變可見浮沙雖壅實
與水道無關言者第未深
察耳紙上空談無裨實際
迂儒口舌紛騰往往如此
唯在斷之而已

黃既合。自有控海之勢。又懼其分而力弱也。必暫塞清
江浦河。而嚴司啟閉。以防其內奔。姑置草灣河。而專復
雲梯。以還其故道。仍接築淮安新城長隄。以防其未流。
使淮黃力全。涓滴悉趨于海。則力強且專。下流之積沙
自去。海不濬而闢。河不挑而深。所謂固隄卽以導河。導
河卽以濬海也。又言黃水入徐。歷邳。宿。桃。清。至清口。會
河而東入海。淮水及鳳。歷盱。泗。至清口。會河而東入海。
此兩河故道也。元漕江南粟。則由揚州直北廟灣入海。
未嘗遡淮。陳瑄始隄管家諸河。通淮爲運道。慮淮水漲
溢。則築高家堰。隄以捍之。起武家墩。經大小澗。至阜寧
湖。而淮不東侵。又慮黃河漲溢。則隄新城北。以捍之。起
清江浦。沿鉢池山。柳蒲灣迤東。而黃不南侵。其後隄岸
漸傾。水從高堰決入淮。郡直同魚鼈。而當事者未考其
故。謂海口壅閉。宜急穿支渠。詎知草灣一開。西橋以上。
正河遂致淤阻。夫新河濶二十餘丈。深僅丈許。較故道
僅三十之一。豈能受全河之水。下流旣壅。上流自潰。此
崔鎮諸口所由決也。今新河復塞。故道漸已通流。雖深
濶未及原河十一。而兩河全下。沙隨水刷。欲其全復河
身不難也。河身旣復。濶者七八里。狹者亦三四百丈。沿
沿東下。何水不容。非惟不必別鑿他所。而草灣亦可勿
濬矣。故爲今計。惟修復陳瑄故蹟。高築南北兩隄。以斷
兩河之內灌。則淮揚昏墊可免。塞黃浦口。築寶應隄。濬

東關等淺。修五閘。復五壩。則淮南運道無虞。堅塞桃源。以下崔鎮口諸決。則全河可歸故道。黃淮既無旁決。並驅入海。則沙隨水刷。海口自復。而桃清淺阻。又不足言。此以水治水之道也。廟灣。注見前。武家墩。在山陽縣西南。鉢池山。在山陽縣西北。柳蒲灣。在山陽縣東北。因條上六議。曰塞決口以挽正河。曰築隄防以杜潰決。曰復牐壩以防外河。曰創滾水壩以固隄岸。曰止濬海工程以省糜費。曰寢開老黃河之議以仍利涉。帝悉從其請。乃塞崔鎮等決口百三十。築高家堰隄六十餘里。歸仁集。在徐州府宿遷縣南。隄四十餘里。柳蒲灣隄東西七十餘里。自徐沛至淮揚間。遙隄縷隄。滾水。減水。壩。牐。無不修築。逾年工成。自後數年。河道無大患。

立皇后王氏。

餘姚人。

史稱馬自強入閣張居正以人望薦之一仍居正真能不念夙嫌者殊不知居正專權植黨實有操縱之才自強當日即因負名抵忤未聞悉力糾彈自忤勢位不能相抗久矣一旦以相位牢籠自當喜出望外且其人之色厲內荏或亦有深識其底裏者是以陽推輿論之公陰責傾心之効正魯論所云苟患失之

先是帝大婚屆期慈聖太后將歸慈寧宮諭張居正曰

吾不能視皇帝朝夕師保之責專恃先生尋以居正充

納采問名副使吉服從事給事中李涑字源甫雲都人言大婚

重典而使居正變服從吉于觀聽不宜乞別簡用不聽

三月以禮部尙書馬自強字體乾同州人兼文淵閣大學士吏部

侍郎申時行字汝默長洲人兼東閣大學士並預機務

張居正請增置閣臣居正將歸葬父恐高拱殷士詹復出故有是請令居正推

擇居正以自強有人望而時行又其所厚遂薦用之自

強負伉直名素忤居正不自意得之頗德居正既入閣

守位而已是冬十月自強卒

張居正葬父歸夏六月還朝

無所不至者也

帝大婚後居正乞歸葬父。許之。賜帝賚忠良銀章。如楊士奇。張孚敬。例。得密封言事。勅呂調陽等有大事勿專決。馳驛之荊州。聽居正處分。會遼東奏大捷。帝復歸功居正。使使馳諭。俾定爵賞。居正爲條列以聞。既畢葬。且還朝。居正上言。母老不能冒炎暑。請俟秋涼就道。帝遣錦衣指揮翟汝敬馳傳往趣之。而令中官護其母。由水道行。居正所過。守臣率長跪撫按。長吏越界迎送。身爲前驅。道經襄陽。南陽。襄王。唐王。出候。設宴具賓主禮。及抵京。兩宮慰勞懇篤。賞賚有加。母至亦如之。

秋七月。呂調陽罷。

張居正歸後。閣事皆送裁決。調陽內慚。堅卧。累疏乞休。

嘉靖時稅政甚多獨其裁抑中官頗得制馭近習之道故涓人奉法不敢恣肆者幾數十年神宗承其遺制正當申嚴禁令何以復廣加遴選竟至三千五百人之多蓋由馮保居中用事吹噓引進使黨類復致蔓延而若輩氣焰既滋勢即難於鈴束未幾而蠱惑日甚礦稅監四出征求元氣由茲創盡馴至茄花委鬼竊弄威權貽毒遂傾國祚履霜堅冰此其漸矣

不出及居正還遂致仕。

詔選內豎三千五百人。

冬十二月高拱卒復其官。

諡文襄。

拱家居數年及是卒張居正請復其官與祭葬如例馮

保憾未釋中旨給半葬祭文仍寓貶詞云。拱初在吏部

否倉卒舉用皆得人又以時方棘邊事請增置兵部侍郎由侍郎而總督而本兵中外迭居邊材自裕更取各

邊地之人以備司屬如銓司分省故事皆報可及諸達

封貢拱力主王崇古議邊陲遂得休息卒後久之廷議

頌其功乃贈太師賜諡。

封李成梁寧遠伯。

十默特與從父哈斯坦。舊作黑石炭。弟大小韋徵。舊作委政。從弟

諾木圖。舊作煖土。恭圖。舊作拱土。子布延台珠爾。舊作言台周。從子黃

台吉及泰寧部長蘇巴爾噶

舊作把速亥

綽哈

舊作炒花今並改等。

頻入犯。成梁屢擊卻之。論功世廕恩賚稠疊。至是蘇巴

爾噶、綽哈、糾土默特、黃台吉等以三萬餘騎壁遼河。攻

東昌堡。

方輿紀要。堡在海州衛東南。海州衛。今奉天府海城縣是。

深入耀州。遼置。今廢。故城

在海城縣西南。

成梁遣諸將分屯要害以遏之。而親提銳卒出

塞二百餘里。斬其長九人。餘首級八百四十。捷聞。帝告

謝郊廟。封成梁寧遠伯。

成梁故驍悍善戰。會張居正當國。每奏捷。輒張大其功。遂得封

伯。

戶部奏是歲天下戶口之數。

戶一千六十二萬一千四百三十六口。六千六十九萬二千八百五十六。

巳卯七年春正月。毀天下書院。

時士大夫競講學。張居正特惡之。盡收各省書院為公廨。

夏四月。張居正上肅離殿箴。

帝漸備六宮。多宣索太倉銀。購珠寶。居正言歲入則減于舊。歲出則浮于前。請量入為出。罷節浮費。因進肅離

殿箴。帝嘉納焉。

一日帝御文華殿。居正侍講讀畢。以給事中。所上災傷疏聞。因請賑。復言。上愛

民如子。而在外諸司。營私背公。剝民罔上。宜痛鉗以法。而上亦當加意撙節于官中。一切用度。服御賞賚。布施裁省禁止。帝首肯之。

秋八月。減均徭加派。

國初役法。有里甲。均徭。雜泛三等。

以戶計曰甲役。以丁計曰徭役。上命非時

曰雜役皆有力役有雇役府州縣驗冊丁口多寡事產厚薄以均適其力自嘉靖以來行一

條鞭法

其法總括一州縣之賦役量地計丁丁糧畢輸于官一歲之役官為僉募力差則計其工食之

費量為增減銀差則計其交納之費加以贈耗凡額辦派辦京庫歲需與存留供億諸費以及土貢方物悉併為一條皆計畝徵銀折一條鞭頗稱簡便然諸役冗費名罷實

存有司追徵如故百姓苦之至是詔減銀一百三十萬有奇

庚辰八年春二月辛未朔日食

三月帝奉兩宮太后謁陵天壽山

張居正乞罷詔慰留之

居正扈帝謁陵歸具疏乞休中云拜手稽首歸政帝顧

益重賜札稱元輔或稱先生或又稱元輔張少師先生待以師禮而居正奏謝亦儼然自負為帝者師凡

居正儼然以帝師自負實違人臣敬慎之儀又動輒

以乞休固寵則更效尤至
安石而滋甚且因兩子下
第竟察停館選而其子遂
連擢魏科直以朝廷顧後
之規模為私室光榮之具
驕橫若此雖有才亦何足
重乎

再上。帝慰留懇切。最後手書稱慈聖口諭。先生親受先

帝付託。豈忍言去。俟輔爾歲至三十而後商處。先生母

復興此念。居正乃出。

初居正子敬修嗣修。懋修先後領鄉薦。帝改元之二年。敬修會試不

第。居正怒。因停是科。館選至五年。嗣修遂以第二人及

第。是年復當會試。懋修敬修皆中式。會居正方乞休。遂

特擢懋修第一人及第。自居正私其子。連舉上第。而他

輔臣呂調陽張四維。申時行之子。亦皆先後成進士。御

史魏允貞疏陳時弊。請自今輔臣子弟中式。俟致政後

始許廷對。帝以允貞言過當。謫于外。然自是輔臣居位

其子無復登第者矣。

魏允貞字懋忠。南康人。

夏四月。迎東都督王烏塔。

舊作兀。寇邊。李成梁擊敗之。

烏塔。迎市寬甸。怨邊將強抑市價。數遣零騎侵邊。犯鑿

陽。

堡名。在鳳凰城北。及黃岡嶺。指揮王宗義戰死。遂入永甸堡。

在鳳凰城東。成梁擊走之。追出塞。斬首八百餘級。盡毀其營。

壘至秋復犯寬甸。副將姚大節又破之。烏塔由是不振。

六月南畿大水。

秋七月。後軍都督府僉事俞大猷卒。

諡武襄。

先是大猷以平古田獍功。進世廕。已爲巡按御史所劾。

回籍聽調。久之。復以都督僉事起。僉書後府事。領車營。

訓練。三疏乞歸。卒。贈左都督。

大猷少好易。嘗以易推衍兵家奇正虛實之權。謂兵

法之數起五。猶一人之身有五體。雖將百萬。可使合爲一人也。初爲汀漳守備。蒞武平。作讀易軒。與諸生爲文

會。而日教武士擊劍。及爲大將。持身廉。馭下有恩。數建大功。威名震南服。其用兵。先計後戰。不貪近功。忠誠計

國老。而彌篤。譚綸嘗與書曰。節制精明。公不如綸。信賞必罰。公不如戚。精悍馳騁。公不如劉。然此皆小知。而公

則堪大受。戚謂戚繼光。劉謂劉顯也。其爲綸所推重如此。

冬十月汰冗官。

先是。詔南京職務清簡。官不必備。至是。盡汰內外冗員。並覈各省徭賦。及諸司冒濫冗費。皆從張居正請也。

十一月。度民田。

初。建昌知府許孚遠。

字孟中。德清人。

始爲歸戶冊。以田從人。法

簡而密。後張居正議。天下田畝。通行丈量。遂用開方法。

以徑圍乘除。畸零截補。于是豪猾不得欺隱。里甲免賠

累。而小民無虛糧。總計田七百一萬三千九百七十六

頃。視孝宗時。贏二百萬頃。居正頗以溢額爲功。有司短

縮步弓。以求田多。或掊克覓田。以充虛額。後遂按溢額

增賦。

詔內官並自陳。斥逐有差。

帝卽位初。慈聖太后遇帝嚴。太監馮保倚太后勢。數挾

持帝。帝甚畏之。已而小璫孫海客用。導帝戲游。二人屢誘帝夜

游別宮。小衣窄袖。走馬持刀。又數進奇巧之物。帝深寵幸。保言于太后。后召帝

切責。帝長跪受教。惶懼甚。保屬張居正草帝罪已手詔。

頒示閣臣。詞過抑損。帝年已十八。覽之內慚。然迫于太

后。不得不下。居正乃上疏切諫。又緣保意。劾去司禮巨

璫孫德秀溫泰等。而令諸內侍俱自陳。凡保所不悅者。

斥退殆盡。帝由是漸惡保。并亦嫌居正矣。保竊權肆橫。間亦時引大

體。內閣產白蓮。翰林院有雙白燕。居正以爲瑞。進之。保

使使語居正曰。主上冲年。不可以異物啟其玩好。又頗

能約束其子弟。不敢肆惡。人亦以是稱之。然保性貪。其

私人錦衣指揮徐爵。內官張大受。恃勢招權利。居正使

蒼頭游七。與爵結爲兄弟。交關

語言。凡有所謀。皆緣以達焉。

辛巳九年春正月命翰林官分番入直

以張居正請日用翰林官四人入直應制詩文及備顧

問

帝初政居正嘗纂古今治亂事百餘條繪圖以俗語解之使帝易曉至是復屬儒臣紀太祖列聖寶訓實錄分類成書凡四十類請

以經筵之暇進講帝從之

三月大閱

夏四月戎政尙書方逢時罷

逢時才略明練處置邊事悉協機宜

先是五年以宣大總督召理戎政時

議者爭言貢市利害逢時疏言北都輸誠效貢莫敢渝約歲時請求隨宜與之輒稽首歡笑有掠人要賞者告諂達討治即俛首聽命而異議者或曰敵使充斥日益耗費或曰與寇益狎隱憂叵測均未覩事機之論也今計三鎮歲費二十七萬較之向時十纔二三而民間耕獲之人市價之利不與焉方隆慶庚午以前三軍累骨萬姓流離邊臣首領不保朝廷爲之旰食七八年來幸無此事矣所不可知者諂達老且死數年之後諸部無

所統一。狡黠爭搆。或行侵擾。在我亦惟罷貢市。固壁壘。以待。仍禁邊將無輕舉。使曲常在彼。直常在我。因機處。常形。何必貢市。非而戰守是哉。至是以老病乞休去。其功名與王崇古相亞。世稱方王。

土默特犯遼陽。副總兵曹簠敗績。

先是土默特以二萬餘騎入攻錦州。叅將熊朝臣固守。

而遣部將出戰。皆歿。敵乃分掠小凌河。在錦州府錦縣東。亦名錦川。

松山。在錦縣西南。杏山。在錦縣西南。會李成梁馳援。始出境。已而土

默特復與諸酋聚兵塞下。謀入廣寧。成梁率輕騎從大

寧堡。在錦州府義州東北。出塞四百餘里。擊之。敵大敗走。至是復

入遼陽。簠出禦之。遇伏。失千總陳鵬以下三百十七人。

馬死者四百六十匹。土默特遂大掠人畜而去。

京師旱南畿饑

張居正上言。淮鳳蘇松連被災傷。徐宿間至以樹皮充饑。或聚爲盜。昔元末之亂。亦起于此。當破格賑之。陛下宜搏節官中耗費。嘉靖朝用最浩繁。內庫尙有餘積。今已增額。猶稱缺乏。有限之財。安能供無窮之用。帝嘉納之。居正以江南貴豪怙勢。及諸奸猾吏民善逋賦。乃選大吏精悍者。嚴行督責。賦以時輸。國藏乃日益充裕。

五月。盡賣民間種馬。

國初。馬有官牧。有民牧。官牧給邊鎮。民牧給京軍。皆有孳生駒。給草場以資芻牧。後專牧于民。視丁田授馬。始曰戶馬。旣曰種馬。按歲徵駒。種馬死。孳生不及數。輒賠補。自豪右莊田占草場。馬戶漸多逃竄。穆宗從太僕少

卿武金議賣種馬之半。

金言種馬之設專爲孳生備用。備用馬既別買則種馬可遂省。

今備用馬既足三萬。宜令每馬折銀三十兩。解太僕種馬盡賣輸兵部。一馬十兩。則直隸山東河南十二萬匹可得銀百二十萬。且收草豆銀二十四萬。御史謝廷傑謂祖制所定關軍機不可廢。兵部是廷傑言。而是時內帑乏竭。方分使括天下逋賦。穆宗遂可金奏。下部議。請養賣各半。從之。至是以互市饒馬盡賣之上馬八兩。下至五兩。又折徵草場地租銀。以供團營買馬。及各邊之請。迨帝末年。師役繁興。往往借支太僕銀。久之。銀與馬兩竭。罔政大壞。

